

經

悲華經 下

及

C40

4514

47



0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

C40-4514

丁翁上座請大歲及百家書置武州紫雲山
我微笑塔院瓦房中永為學者不敢許出院內
當山二世鐵牛機謹誌



B 64853

心華經卷第六

北涼天竺三藏法師曇無識譯

諸菩薩本受記品第四之四

爾時五人卽至佛所以所得物供養世尊及比丘僧
供養已復白佛言世尊唯願如來授我阿耨多羅三
藐三菩提記令於賢劫成阿耨多羅三藐三菩提善
男子爾時寶藏如來卽與五人授阿耨多羅三藐三
菩提記龍手汝於來世賢劫之中當得成佛號堅音
如來十號具足堅音如來般涅槃後陸龍次當成佛
號快樂尊如來十號具足快樂尊佛般涅槃後水龍

次當成佛號導師如來十號具足導師佛般涅槃後虛空龍次當成佛號愛清淨如來十號具足愛清淨佛般涅槃後妙音龍次當作佛號那羅延勝葉如來十號具足善男子寶藏如來記是五人賢劫成佛已寶海梵志復告持力捷疾善男子汝今可取種種莊嚴淨妙世界如心所喜便可發願與一切衆生甘露法味專心精勤行菩薩道慎莫思惟劫數長遠善男子爾時梵志捉持力捷疾箇將至佛所至佛所已坐於佛前白佛言世尊未來之世於賢劫中有幾佛日如來出世爾時佛告持力捷疾言善男子半賢劫中
有千四佛出現於世持力捷疾言世尊彼賢劫中諸佛世尊般涅槃已最後妙音龍成阿耨多羅三藐三菩提號那羅延勝葉世尊我願於爾所時修菩薩道修諸苦行持戒布施多聞精進忍辱愛語福德智慧種種助道悉令具足賢劫諸佛垂成佛時願我在初奉施飲食般涅槃後收取舍利起塔供養護持正法見毀戒者勸化安止令住持戒遠離正見墮諸見者勸化安止令住持戒遠離正見墮諸見者無威儀者勸化安止住聖威儀若有衆生欲行善根我當爲其開示善根彼諸世尊般涅槃後正法垂滅

我於爾時當護持之令不斷絕於世界中然正法燈
刀兵劫時我當教化一切衆生持不殺戒乃至正見
於十惡中拔出衆生安止令住十善道中滅諸盲冥
開示善法我當滅此劫濁命濁衆生濁煩惱濁見濁
令無有餘於餓饉劫我當勸化一切衆生安止住於
檀波羅蜜乃至般若波羅蜜亦如是我勸衆生住六
波羅蜜時衆生所有一切饑餓黑暗穢濁怨賊鬭諍
及諸煩惱悉令寂靜於疾疫劫我當教化一切衆生
悉令住於六和法中亦令安止住四攝法衆生所有
疾疫黑暗當令滅盡於半賢劫斷滅衆生如是苦惱
一千四佛於半劫中出世涅槃正法滅已然後我當
成阿耨多羅三藐三菩提如十四佛所得壽命聲聞
弟子我之壽命聲聞弟子亦復如是等無差別如千
四佛於半劫中調伏衆生願我亦於半劫之中調伏
衆生是半劫中諸佛所有聲聞弟子毀於禁戒墮在
諸見於諸佛所無有恭敬生於瞋恚憎害之心破法
壞僧誹謗賢聖毀壞正法作惡逆罪世尊我成阿耨
多羅三藐三菩提時悉當拔出於生死淤泥令入無
畏涅槃城中我般涅槃後正法賢劫一時滅盡若我
涅槃正法賢劫俱滅盡已我之齒骨并及舍利悉當

變化作佛形像三十二相瓔珞其身一一相中有八十種好次第莊嚴徧至十方無量無邊無佛世界一化佛以三乘法教化無量無邊衆生悉令不退若彼世界灾劫起時無有佛法是化佛像亦當至中教化衆生如前所說若諸世界無珍寶者願作如意摩尼寶珠兩諸珍寶自然發出純金之藏若諸世界所有衆生離諸善根諸苦纏身我當於中雨優陀婆香栴檀沉水種種諸香令諸衆生斷煩惱病諸邪見病身四大病於三福處勤心修行令命終時生天人中世尊我行菩薩道時當作如是利益衆生我成阿耨多羅三藐三菩提已當作如是佛事般涅槃後舍利復至無量世界如是利益衆生世尊若我所願不成不得已利不能與諸衆生作大醫王不能利益者我今便爲欺誑十方無量世界在在處處現在諸佛如來今者亦復不應與我授阿耨多羅三藐三菩提記世尊所與無量無邊億阿僧祇衆生授阿耨多羅三藐三菩提記者我亦不得見如是人亦不聞是佛音聲法僧之聲行善法聲常墮阿鼻大地獄中世尊若我所願成就得已利者如來今者當稱讚我時佛卽讚持力捷疾言善哉善哉善男子汝於來世作大醫

0 1 2 3 4 5 6 7 8 9 210

1 2 3 4 5 6 7 8 9 210

1 2 3 4 5 6 7 8 9 210

經

卷之六

四

王令諸衆生離諸苦惱是故字汝爲火淨藥王佛告
火淨藥王汝於來世過一恒河沙等阿僧祇劫入第
二恒河沙阿僧祇劫後分賢劫中一千四佛垂成阿
耨多羅三藐三菩提汝當悉得奉施飲食乃至如上
汝之所願那羅延勝葉般涅槃後正法滅已汝當成
於阿耨多羅三藐三菩提號樓至如來應供正徧知
明行足善逝世間解無上士調御丈夫天人師佛世
尊壽命半劫汝之所得聲聞弟子如千四佛所有弟
子等無差別所化衆生般涅槃後正法滅已賢劫俱
盡齒骨舍利悉化作佛乃至生天人中亦復如是爾
時火淨藥王菩薩復白佛言世尊若我所願成就得
已利者唯願如來以百福莊嚴金色之手摩我頂上
善男子爾時寶藏如來卽以百福莊嚴之手摩火淨
藥王頂上善男子爾時火淨藥王菩薩見是事已心
生歡喜卽以頭面禮於佛足却住一面爾時寶海梵
志以妙天衣與火淨藥王菩薩而讚之曰善哉善哉
善男子汝之所願甚奇甚特從今已往可不須汝與
我策使常得自在修安樂行爾時佛告寂意菩薩善
男子時寶海梵志作是思惟我今已勸無量無邊百
千億那由他衆生令住阿耨多羅三藐三菩提我今

經

卷之六

五

及六

0123456789201234567892012345678920

見是諸大菩薩各各發願取淨佛土唯除一人婆由
 毗紐此賢劫中餘菩薩亦離五濁我今當於是末世
 中以真法味與諸衆生我今當自堅牢莊嚴作諸善
 願如師子吼悉令一切菩薩聞已心生疑怪歎未曾
 有復令一切大衆天龍鬼神乾闥婆阿脩羅迦樓羅
 緊那羅摩睺羅伽人及非人又手恭敬供養於我令
 佛世尊稱讚於我并授記勗令十方無量無邊在在
 處處現在諸佛爲諸衆生講說正法彼諸如來聞我
 師子吼者悉讚歎我授我阿耨多羅三藐三菩提記
 亦遣使來令諸大衆悉得見之我今最後發大誓願
 成就菩薩所有大悲乃至成阿耨多羅三藐三菩提
 已若有衆生聞我大悲名者悉令生於希有之心若
 於後時有諸菩薩成就大悲者亦當願取如是世界
 是世界中所有衆生饑虛於法盲無慧眼具足四流
 是諸菩薩當作救護而爲說法我乃至般涅槃已十
 方無量無邊百千億諸世界中在在處處現在諸佛
 於諸菩薩大衆之中稱讚我名亦復宣說我之善願
 令彼菩薩以大悲熏心皆專心聽聞是事已心大驚
 怪歎未曾有先所得悲皆更增廣如我所願取不淨
 土是諸菩薩皆如我於不淨世界成阿耨多羅三藐

0123456789

210

120

220

三菩提拔出四流衆生安止令住於三乘中乃至涅槃善男子爾時寶海梵志思惟如是大悲願已偏袒右肩至於佛所爾時復有無量百千萬億諸天在虛空中作天妓樂雨種種華各各同聲而讚歎言善哉善哉善大丈夫今至佛所發奇特願欲以智水滅於世間衆生煩惱爾時一切大衆合掌恭敬在梵志前同聲禮敬而讚歎言善哉善哉尊大智慧我等今者得大利益能作牢堅諸善願也我等今者願聞尊意所發善願爾時梵志在於佛前右膝著地爾時三千大千世界六種震動種種妓樂不敢自鳴飛鳥走獸相和作聲
樹生非時華三千大千世界之中因地衆生於阿彌多羅三藐三菩提若已發心若未發心唯除地獄餓鬼下劣畜生其餘衆生皆悉生於大利益心純善之心無怨賊心無濁穢心慈心希有心飛行衆生尋住於空心生歡喜散種種華末香塗香種種妓樂幢旛衣服而以供養柔軟妙音讚詠梵志皆悉一心欲聞梵志所發善願乃至阿迦膩吒天天上諸天亦下閣浮提在虛空中散種種華末香塗香種種妓樂幢旛衣服而以供養柔軟妙音讚詠梵志精勤一心欲聞梵志所發善願爾時寶海梵志又

0 1 2 3 4 5 6 7 8 9 210 1 2 3 4 5 6 7 8 9 220

三菩提拔出四流衆生安止令住於三乘中乃至涅槃善男子爾時寶海梵志思惟如是大悲願已偏袒右肩至於佛所爾時復有無量百千萬億諸天在虛空中作天妓樂雨種種華各各同聲而讚歎言善哉善哉善大丈夫今至佛所發奇特願欲以智水滅於世間衆生煩惱爾時一切大衆合掌恭敬在梵志前同聲禮敬而讚歎言善哉善哉尊大智慧我等今者得大利益能作牢堅諸善願也我等今者願聞尊意斤發宣旨

志在於佛前右膝著地爾時三千大千世界六種震動種種妓樂不鼓自鳴飛鳥走獸

相和作聲一切諸樹生非時華三千大千世界之中因地衆生於阿耨多羅三藐三菩提若已發心若未發心唯除地獄餓鬼下劣畜生其餘衆生皆悉生於大利益心純善之心無怨賊心無濁穢心慈心希有心飛行衆生尋住於空心生歡喜散種種華末香塗香種種妓樂幢旛衣服而以供養柔軟妙音讚詠梵志皆悉一心欲聞梵志所發善願乃至阿迦膩吒天天上諸天亦下閣浮提在虛空中散種種華末香塗香種種妓樂幢旛衣服而以供養柔軟妙音讚詠梵志精勤一心欲聞梵志所發善願爾時寶海梵志又

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

手恭敬以偈讚佛

遊戲禪定

如大梵王

光明端嚴

如天帝釋

捨財布施

如轉輪王

持妙珍寶

如主藏臣

功德自在

如師子王

不可傾動

如須彌山

心不波蕩

如大海水

於罪不罪

其心如地

除諸煩惱

如清淨水

燒諸結使

如猛火炎

無諸障礙

猶如大風

示現實法

如四天王

所雨法雨

如大龍王

克足一切

猶如時雨

破諸外道

如大論師

功德妙香

如須曼華

說法妙音

猶如梵天

除諸苦惱

如大醫王

等心一切

如母愛子

攝取衆生

猶如慈父

身不可壞

如金剛山

能斷愛枝

猶如利刀

廣度生死

猶如船師

以智濟人

猶如舟船

光明清涼

如月盛滿

開衆生華

如日初出

能與衆生

沙門四果

猶如秋樹

生諸果實

慇聖圍繞

0 1 2 3 4 5 6 7 8 9 210

1

2 3 4 5 6 7 8 9 210

1 2 3 4 5 6 7 8 9 210

卷之六

六

六

猶如鳳凰 其意深廣 猶如大海
等心衆生 猶如草木 知諸法相
如觀空拳 等心行世 平如水相
成就妙相 善於大悲 能與無量
衆生授記 我今調伏 無量衆生
唯願如來 與我授記 於未來世
成就勝道 微妙智慧 大億世尊
願以妙音 真實說之 我於惡世
要修諸忍 與諸結使 煩惱賊闘
拔出無量 一切衆生 安止住於

寂滅道中

善男子寶海梵志說此偈讚佛已是時一切大衆皆讚歎言善哉善哉善大丈夫善能讚歎如來法王爾時梵志復白佛言世尊我已教化無量億衆發阿耨多羅三藐三菩提心是諸衆生已各願取淨妙世界離不淨土以清淨心種諸善根善攝衆生而調伏之火髮摩納等一千四人皆悉讀誦毗陀外典如來已爲是諸人等授其記願於賢劫中當成爲佛有諸衆生多行貪姪瞋癡慢悉當調伏於三乘中是一千四佛所放捨者所謂衆生厚重煩惱五濁惡世能作

012345678920123456789201234567892012345678920

五逆毀壞正法誹謗聖人行於邪見離聖七財不孝
 父母於諸沙門婆羅門所心無恭敬作不應作應作
 不作不行福事不畏後世於三福處無心欲行不求
 天上人中果報勤行十惡趣三不善離善知識不知
 親近真實智慧入於三有生死獄中隨四瀑流沒在
 欽河爲癡所盲離諸善業專行惡業如是衆生諸佛
 世界所不容受是故擯來集此世界以離善業行不
 善業行於邪道重惡之罪猶如大山爾時娑婆世界
 賢劫中人壽命千歲是一千四佛大悲不成不取如
 是弊惡之世令諸衆生流轉生死猶如機關無有赦
 護無所依止無舍無燈受諸苦惱而反捨放各各願
 取淨妙世界淨土衆生已自善調伏其心清淨已種
 善根勤行精進已得供養無量諸佛而更攝取世尊
 是諸人等爲實爾不爾時世尊卽告梵志實如所言
 善男子是諸人等如其所喜各取種種嚴淨世界我
 隨其心已與授記爾時梵志復白佛言世尊我今心
 動如緊手樹葉心大憂愁身皆憔悴此諸菩薩雖生
 大悲不能取此五濁惡世令彼諸衆生墮癡黑暗世
 尊乃至來世過一恒河沙等阿僧祇劫入第二恒河
 沙等阿僧祇劫後分賢劫中人壽千歲我當待時行

0123456789210

123456789210

菩薩道久在生死忍受諸苦以諸菩薩三昧力故要當不捨如是衆生世尊我今自行六波羅蜜調伏衆生如佛言曰以財物施名檀波羅蜜世尊我行檀波羅蜜時若有衆生世世從我乞求所須隨其所求要當給足飲食醫藥衣服臥具舍宅聚落華香瓔珞塗身之香供給病者醫藥侍使幢旛寶蓋錢財穀帛象馬車乘金銀錢貨真珠瑠璃玻璃珂貝璧玉珊瑚真寶僞寶天冠拂飾如是等物我於衆生乃至貧窮生大悲心悉以施與雖作是施不求天上人中果報但爲調伏攝衆生故以是因緣捨諸所有若有衆生乞求過量所謂奴婢聚落城邑妻子男女手脚鼻舌頭目皮血骨肉身命乞求如是過量之物爾時我當生大悲心以此諸物持用布施不求果報但爲調伏攝衆生故世尊我行檀波羅蜜時過去菩薩行檀波羅蜜者所不能及未來菩薩當發阿耨多羅三藐三菩提心行檀波羅蜜者亦不能及世尊我於來世爲行菩薩道故於百千億劫常行如是檀波羅蜜世尊未來之世若有欲行菩薩道者我當爲是行檀波羅蜜令不斷絕我初入尸羅波羅蜜時爲阿耨多羅三藐三菩提故持種種戒修諸苦行如檀中說觀我無我

01234567892012345678920123456789201234567892012345678920

故五情不爲五塵所傷此辱提波羅蜜我如是行辱
 提波羅蜜亦如上說觀有爲法離諸過惡見無爲法
 微妙寂滅精勤修習於無上道不生退轉此毗梨耶
 波羅蜜我亦如是行毗梨耶波羅蜜若一切處修行
 空相得寂滅法是名禪波羅蜜若解諸法本無生性
 今則無滅是名般若波羅蜜我於無量百千億阿僧
 祇劫堅固精勤修集般若波羅蜜何以故或有菩薩
 於過去世不爲阿耨多羅三藐三菩提行菩薩道堅
 固精勤修習般若波羅蜜未來之世或有菩薩未爲
 阿耨多羅三藐三菩提行菩薩道堅固精勤修習般
 若波羅蜜是故我今當於來世發阿耨多羅三藐三
 菩提心修苦提道令諸善法無有斷絕世尊我初發
 心已爲未來諸菩薩等開示大悲乃至涅槃有得聞
 我大悲名者心生驚怪歎未曾有是故我於布施不
 自稱讚不依持戒不念忍辱不倚精進不味諸禪所
 有智慧不著三世雖行如是六波羅蜜不求果報有
 諸衆生離聖七財無佛世界之所擯棄作五逆罪毀
 壞正法誹謗賢聖行於邪見重惡之罪猶如大山常
 爲邪道之所覆蔽是故我今爲是衆生專心莊嚴精
 勤修習六波羅蜜我爲一一衆生種善根故於十劫

012345678920

12345678920

中入阿鼻地獄受無量苦畜生餓鬼及貧窮鬼神卑賤人中亦復如是若有衆生空無善根失念焦心我悉攝取而調伏之令種善根乃至賢劫於其中間終不願在天上人中受諸快樂唯除一生處兜術天待時成佛世尊我應如是久處生死如一佛世界微塵等劫以諸所須供養諸佛爲一衆生種善根故以一佛世界微塵數等諸供養具供養十方無量無邊一一諸佛亦於十方無量無邊一一佛所得如一佛世界微塵數等諸善功德於一一佛前復得教化如一佛世界微塵數等衆生令住無上菩提之道緣覺聲聞亦復如是隨諸衆生所願而教若有世界佛未出世願作僊人教諸衆生令住十善五神通中遠離諸見若有衆生事摩醯首羅天我願化身如摩醯首羅而教化之令住善法事八臂者亦願化爲八臂天身而教化之令住善法事日月梵天亦願化爲日月梵身而教化之令住善法有事金翅鳥乃至事兔願化爲兔身隨而教化令住善法若見饑餓衆生我當以身血肉與之令其飽滿若有衆生犯於諸罪當以身命代其受罪爲作救護世尊未來世中有諸衆生離諸善根燒滅善心我於爾時爲是衆生當勤精進行

0 1 2 3 4 5 6 7 8 9 210

1 2 3 4 5 6 7 8 9 210

菩薩道墮在生死受諸苦惱乃至過一恒河沙等阿僧祇劫第二恒河沙等阿僧祇劫後分初入賢劫火髮摩納成阿耨多羅三藐三菩提字拘留孫如來時我所教化離諸善業行不善業燒焦善心離聖七財作五逆罪毀壞正法誹謗聖人行於邪見重惡之罪猶如大山常爲邪道之所覆蔽無佛世界所棄捐者令發阿耨多羅三藐三菩提心行檀波羅蜜乃至行般若波羅蜜安止住於不退轉地皆令成佛在於十方如一佛土微塵數等諸佛世界轉正法輪令諸衆生於阿耨多羅三藐三菩提種諸善根出離惡道安止得住功德智慧助菩提法者願我爾時悉得見之世尊若有諸佛在在處處遣諸衆生至諸佛所受阿耨多羅三藐三菩提記令得陀羅尼三昧忍辱卽得次第上菩薩位得於種種莊嚴世界各各悉得隨意劫中拘留孫佛出世之時如是等衆亦於十方如微塵等諸佛世界成阿耨多羅三藐三菩提在在處處住世說法亦令我見世尊拘留孫佛成佛之時我至其所以諸供具而供養之種種諮詢出家之法持清淨戒廣學多聞專修三昧勤行精進說微妙法唯除

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

如來餘無能勝是時或有鈍根衆生無諸善根墮在邪見行不正道作五逆罪毀壞正法誹謗賢聖重惡之罪猶如大山我時當爲如是衆生說於正法攝取調伏佛曰沒已我於其後自然當作無量佛事伽那迦牟尼迦葉佛等住世說法乃至自然作於佛事亦復如是乃至人壽千歲我於爾時勸諸衆生於三福處過千歲已上生天上爲諸天人講說正法令得調伏乃至人壽百二十歲爾時衆生愚癡自在自恃端正種姓豪族有諸放逸慳惜嫉妒墮在黑暗五濁惡世厚重貪欲瞋恚癡慢慳惜嫉妒非法行欲非法求財行邪倒見離聖七財不孝父母於諸沙門婆羅門所不生恭敬應作不作作不應作不行福事不畏後世不勤修習於三福處不樂三乘於三善根不能修行專爲三惡不修十善勤行十惡其心常爲四倒所覆安止住於四破戒中令四魔王常得自在漂在四流五蓋蓋心當來世中如是衆生六根放逸行八邪法入大罪山起諸結縛不求天上人中果報邪倒諸見趣於邪道行於五逆毀壞正法誹謗聖人離諸善根貧窮下賤無所畏忌不識恩義失於正念輕憇善法無有智慧不能學問破戒諛詭以嫉妒心於

所得物不與他分互相輕慢無有恭敬懶惰懈怠諸
根缺漏身體羸劣乏於衣服親近惡友處胎失念以
受種種諸苦惱故惡色憔悴其眼互視無慚無愧互
相怖畏於一食頃身口意業所作諸惡無量無邊以
能爲惡故得稱歎爾時衆生專共修習斷常二見堅
著五陰危脆之身於五欲中深生貪著常起忿恚怨
賊之心欲害衆生心常瞋惱穢濁麤朴未得調伏慳
惜貪著不捨非法無有決定互相恐怖起於諍競以
穢濁心共相殺害遠離善法起無善心作諸惡業於
善不善不信果報於諸善法起違背心於滅善法生
歡喜心於不善法起專作心於寂滅涅槃起不求心
於持戒沙門婆羅門所生不敬心於諸結縛起希求
心於老病死起深信心於諸煩惱起受持心於五蓋
法起攝取心於正法幢起遠離心於諸見幢起豎立
心常起相違輕毀之心共起鬪諍相食噉心各各相
違共相侵陵攝取怨恨惱亂之心於諸欲惡起無厭
心於他財物起嫉妒心於受恩中起不報心於諸衆
生起賊盜心於他婦女起優惱心是時衆生一切心
中無有善願是故常聞地獄聲畜生聲餓鬼聲疾病
聲老死聲惱害聲八難聲閉繫聲杻械枷鎖縛束聲

1 2 3 4 5 6 7 8 9 201 1 2 3 4 5 6 7 8 9 201

奪他財物侵惱聲瞋恚輕毀訶責聲破壞衆人和合
 聲他方國賊兵甲聲饑餓聲穀貴偷盜聲邪姪妄語
 狂癡聲兩舌惡言綺語聲慳貪嫉妒攝取聲著我我
 所鬪諍聲憎愛適意不適意聲恩愛別離憂悲聲怨
 憎集聚苦惱聲各各相畏僮僕聲處胎臭穢不淨聲
 寒熱饑渴疲極聲耕犁種植忽務聲種種工巧疲厭
 聲疹病患苦羸損聲是時衆生各各常聞如是等聲
 如是衆生斷諸善根離善知識常懷瞋恚皆悉充滿
 婆婆世界悉是他方諸佛世界之所擯棄以重業故
 於賢劫中壽百四十歲如是衆生業因緣故於娑婆
 世界受其卑陋成就一切諸善根者之所遠離娑婆
 世界其地多有鹹苦鹽鹵土沙礫石山陵堆阜谿谷
 溝壑塗塈毒虺諸惡鳥獸充満其中麤澁惡風非時
 雨故生諸藥草樹木莖節枝葉莖果百穀諸味皆悉
 雜毒如是非時麤澁惡濁雜毒之物衆生食已增益
 瞞恚顏色憔悴無有潤澤於諸衆生心無慈愍誹謗
 聖人各各無有恭敬之心常懷恐怖共相殘害生惱
 亂心噉肉飲血剥皮而衣執持刀杖勤作殺害自恃
 豪族色貌端正讀誦外典便習鞍馬善用刀槊弓箭

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

射御於自眷屬生嫉妬心若諸衆生修習邪法受種
 種苦世尊願我爾時從兜術天下生最勝轉輪王家
 若自在王家處在第一大夫人胎爲諸衆生調伏其
 心修善根故尋入胎時放大光明其光微妙徧照娑
 婆世界從金剛際上至阿迦尼吒天令彼所有諸衆
 生等若在地獄若在畜生若在餓鬼若在天上若在
 人中若有色若無色若有想若無想若非有想若非
 無想悉願見我微妙光明若光觸身亦願得知以見
 知光故悉得分別生死過患勤求無上寂滅涅槃乃
 至一念斷諸煩惱是名令諸衆生初種涅槃之根栽
 也願我處胎於十月中得選擇一切法入一切法門
 所謂無生空三昧門於未來世無量劫中說此三昧
 善決定心不可得盡若我出胎成阿耨多羅三藐三
 苦提已彼諸衆生我當拔出令離生死如是等衆悉
 令見我雖處母胎滿足十月然其實是住珍寶三昧
 結跏趺坐正受思惟十月滿已從右脅出以一切功德
 成就三昧力故令娑婆世界從金剛際上至阿迦
 尼吒天六種震動其中衆生或處地獄畜生餓鬼天
 上人中悉得覺悟無量衆生若有衆生未種善根我當安
 界亦得覺悟無量衆生若有衆生未種善根我當安

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

止令種善根於涅槃中種善根已令諸衆生生三昧
 莽我出右脅足蹈地時復願娑婆世界從金剛際上
 至阿迦尼吒天六種震動所有衆生依水依地依於
 虛空胎生卵生濕生化生在五道者悉得覺悟若有
 衆生未得三昧願皆得之得三昧已安止令住三乘
 法中不退轉地我既生已於娑婆世界所有諸天梵
 王魔天忉利諸天及日月天四天王天諸大龍王乾
 闍婆阿脩羅迦樓羅緊那羅摩睺羅伽化生神懶夜
 又羅刹悉令盡來共供養我令我生已尋行七步行
 七步已以選擇功德三昧力故說於正法令諸大衆
 心生歡喜住於三乘於此衆中若有衆生學聲聞者
 願盡此生便得調伏若有習學緣覺乘者一切皆得
 日華忍辱有學大乘者皆得執持金剛愛護大海三
 明以三昧力故超過三地我於爾時希求洗浴願有
 最勝大龍王來洗浴我身衆生見者卽住三乘所得
 功德如上所說我爲童子乘羊車時所可示現種種
 技術爲覺一切諸衆生故處在宮殿妻子妓女五欲
 之中共相娛樂見其過患夜半出城除諸瓔珞嚴身
 之具爲欲破壞尼犍子等諸外道師恭敬衣服故我
 著袈裟至菩提樹下衆生見我處於菩提樹下皆悉

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

發願欲令我速以一切功德成就三昧力說三乘法
 聞是法已於三乘中生深重欲勤行精進若有已發
 聲聞乘者令脫煩惱要一生在當於我所而得調伏
 若有已發緣覺乘者皆悉令得日華忍辱若有已發
 大乘之者皆得執持金剛愛護大海三昧以三昧力
 故超過三地我自受草於菩提樹下敷金剛座處結
 跎趺坐身心正直繫念在於阿頗三昧以三昧力故
 令出入息停住寂靜於此定中一日一夜日食半麻
 半米以其餘半持施他人我如是久遠修習苦行娑
 婆世界上至阿迦尼吒天聞我名者皆到我所供養
 於我我如是苦行如是等衆悉當爲我而作證明若
 有衆生於聲聞乘種善根者世尊願令是等於諸煩
 惱心得寂靜若餘一生要至我所我當調伏緣覺大
 乘亦復如是若有諸龍鬼神乾闥婆阿脩羅迦樓羅
 緊那羅摩睺羅伽餓鬼毗舍遮五通神僊來至我所
 供養於我我如是苦行是等衆生皆爲證明若有已
 學聲聞緣覺及大乘者亦復如是若有四天下衆生
 修於外道麤食苦行有諸非人往至其所說如是言
 聖等不能悉行諸苦亦復不得大果報也非是希有
 如我地分有一生菩薩行於苦行復入如是微妙禪

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

定身口意業皆悉寂靜滅出入息一日一夜日食半
 麻半米如是苦行大得果報得大利益多所開化是
 苦行人不久當成阿耨多羅三藐三菩提卿若不信
 我所言者自可往至其所觀其所作世尊願是諸人
 捨其所修悉來我所觀我苦行或有衆生已學聲聞
 乃至大乘亦復如是若有諸王大臣人民在家出家
 一切見我行是苦行來至我所供養於我或有已學
 聲聞緣覺大乘亦復如是若有女人見我苦行來至
 我所供養於我是諸女人所受身分即是後邊若有
 已學聲聞緣覺大乘亦復如是若有諸禽獸見我苦
 行亦至我所是諸禽獸於此命終更不復受畜生之
 身若有已發聲聞乘者餘一生在要至我所而得調
 伏若有已發緣覺心者亦復如是乃至微細小蟲餓
 鬼亦如是我如是久遠苦行一結跏趺坐時有百千
 億那由他等無量衆生爲我證明如是衆生已於無
 量無邊阿僧祇劫種解脫子世尊我如是苦行過去
 衆生未曾有能作如是行及餘外道聲聞緣覺大乘
 之人亦無有能作如是苦行世尊我如是苦行未來
 衆生亦無能作如是苦行我未成阿耨多羅三藐三菩提時已
 能作如是苦行我未成阿耨多羅三藐三菩提時已

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

能作大事所謂破壞魔王及其眷屬我願破煩惱魔
 成阿耨多羅三藐三菩提已爲一衆生安住阿羅漢
 勝妙果中隨爾所時現受殘業報身如是等二衆生
 安住阿羅漢第三第四亦如是我爲一一衆生故示
 現百千無量神足欲令安住正見之中爲一衆生故
 說百千無量法門義隨其所堪令住聖果以金剛智
 慧破一切衆生諸煩惱山爲諸衆生說三乘法爲一
 衆生故過百千由旬不乘神力往至其所而爲說
 法令得安住無所畏中或有諸人於我法中欲出家
 者願無障礙所謂羸劣失念狂亂憍慢無有畏懼礙
 無智慧多諸結使其心散亂若有女人欲於我法出
 家學道愛受大戒者願令成就願我四衆比丘比丘
 尼優婆塞優婆夷悉得供養願諸天人及諸鬼神得
 四聖諦諸龍阿脩羅及餘畜生受持八戒修淨梵行
 世尊我成阿耨多羅三藐三菩提已若有衆生於我
 生瞋或以刀杖火坑及餘種種欲殘害我或以惡言
 謹謗罵詈偏十方界而作輕毀若持毒食以用飯我
 如是殘業我悉受之成阿耨多羅三藐三菩提往昔
 所有怨賊衆生起於害心種種惡言以雜毒食出我
 身血如是等人悉以惡心來至我所我當以戒多聞

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

三昧大悲熏心梵音妙聲而爲說法令彼聞已心生
 清淨住於善法所作惡業尋便懺悔更不復作悉令
 得生天上人中無有障礙生天人中得妙解脫安住
 勝果離諸欲惡永斷諸流障礙業盡若諸衆生有殘
 業者皆悉得盡無有遺餘世尊我成阿耨多羅三藐
 三菩提已一切所有身諸毛孔日日常有諸化佛出
 三十二相瓔珞其身八十種好次第莊嚴我當遣至
 無佛世界有佛世界及五濁界若彼世界有五逆人
 毀壞正法誹謗聖人乃至斷諸善根有學聲聞緣覺
 大乘毀破諸戒墮於大罪燒滅善心滅失善道墮在
 生死空曠澤中行諸邪道登涉罪山如是衆生百千
 萬億一一化佛一日之中徧爲說法或有奉事摩醯
 尚羅隨作其形而爲說法亦於爾時稱我名字而讚
 歎之願是衆生聞讚歎我心生歡喜種諸善根生我
 世界世尊是諸衆生若臨終時我不在其前爲演說
 法令心淨者我於未來終不成阿耨多羅三藐三菩
 提若彼衆生命終之後墮三惡道不生我國受人身
 者我之所知無量正法悉當滅失所有佛事皆不成
 就事那羅延者亦復如是世尊我成阿耨多羅三藐
 三菩提已願令他方世界所有五逆之人乃至行諸

邪道登涉罪山如是衆生臨命終時悉來集聚生我
世界隨其本相所受身色艾白無潤面目醜陋如毗
舍遮失念破戒臭穢短命以此諸惡損減其身資生
所須常不供足爲是衆生故於娑婆世界諸四天下
一時之中從兜術下現處母胎乃至童子學諸技藝
出家苦行破壞諸魔成無上道轉正法輪般涅槃後
流布舍利如是示現種種佛事悉皆徧滿如是百億

悲華經卷第六

校讎

音釋

第二十紙

十七行來北藏作乘從南藏改正

記荊 荊必

劣切記翦謂授將
起劫國名虎之翦

諛羊朱切

諂丑琰切諛脆此
諂伎言曰諂脆陽

解切粗械

瘳止忍切。病也。

屬言力置罵也

切

欽縣龍龕門

信女吳氏施貲刻

悲華經第
六兩四四

錢六卷 計字九千
三分 祈保老

吉祥如意

亮對長洲徐普書

萬曆癸五

歲次十二月徵山

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經
卷第七
悲華經卷第七
北涼天竺三藏法師曇無讖譯
諸菩薩本受記品第四之五
世尊我成阿耨多羅三藐三菩提已一音說法或有衆生學聲聞乘聞佛說法即得知聲聞法藏或有修學辟支佛乘聞佛說法便得解於辟支佛法或有修學無上大乘聞佛說法便得解了大乘之法純一無雜若有修習助菩提法欲得菩提聞佛說法即得捨財行於布施若有衆生離諸功德希求天上人中快樂聞佛說法即得持戒若有衆生互相怖畏有愛瞋

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

心聞佛說法卽得相於生親厚心者若有衆生喜爲
 犯業聞佛說法卽得悲心若有衆生常爲慳惜嫉妒
 覆心聞佛說法卽修喜心若有衆生端正無病食著
 於色心生放逸聞佛說法卽得捨心若有衆生婬欲
 煥盛其心放逸聞佛說法卽觀不淨若有衆生學大
 乘者爲掉蓋所覆聞佛說法卽得身念處法若有衆
 生常自稱讚能大論議其智慧明猶如掣電聞佛說
 法卽解甚深十二因緣若有衆生寡聞少見自稱能
 論聞佛說法卽得不奪不失諸陀羅尼若有衆生入
 邪見山聞佛說法卽解諸法甚深空門若有衆生諸
 覺覆心聞佛說法卽得深解無相法門若有衆生諸
 不淨願覆蔽其心聞佛說法卽得深解無作法門若
 有衆生心不清淨聞佛說法心得清淨若有衆生以
 多緣覆心聞佛說法得解不失菩提心法若有衆生
 瞳恚覆心聞佛說法解真實相得受記莖若有衆生
 依倚覆心聞佛說法深解諸法無所依倚若有衆生
 愛染覆心聞佛說法疾解諸法無垢清淨若有衆生
 忘失善心聞佛說法深解日光三昧若有衆生行諸
 魔業聞佛說法速得解了清淨之法若有衆生邪論
 覆心聞佛說法卽得深解增益正法若有衆生煩惱

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

覆心聞佛說法速得解了離煩惱法若有衆生行諸
 惡道聞佛說法卽得迴反若有衆生於大乘法讚說
 邪法以爲吉妙聞佛說法卽於邪法生退轉心而得
 正解若有菩薩厭於生死聞佛說法卽於生死心生
 愛樂若有衆生不知善地聞佛說法卽得覺了善地
 之法若有衆生見他爲善不生好樂生於妬嫉聞佛
 說法卽得心喜若有衆生其心各各共相違反聞佛
 說法卽得無礙光明若有衆生行諸惡業聞佛說法
 深解惡業所得果報若有衆生怖畏大衆聞佛說法
 深得解了師子相三昧若有衆生四魔覆心聞佛說
 法疾得首楞嚴三昧若有衆生不見諸佛國土光明
 聞佛說法卽得深解種種莊嚴光明三昧若有衆生
 有憎愛心聞佛說法卽得捨心若有衆生未得佛法
 光明聞佛說法卽得法炬三昧若有衆生離大智
 慧聞佛說法卽得法炬三昧若有衆生癡暗覆心聞
 佛說法卽得種種功德應辯若有衆生觀色和合無
 有堅固猶如水沫聞佛說法卽得那羅延三昧若有
 衆生心亂不定聞佛說法卽得堅牢決定三昧若有
 衆生欲觀佛頂聞佛說法卽得須彌幢三昧若有衆

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

生放捨本願聞佛說法卽得堅牢三昧若有衆生退
 失諸通聞佛說法卽得金剛三昧若有衆生於菩提
 場而生疑惑聞佛說法卽得了達金剛道場若有衆
 生一切佛法中無狀離心聞佛說法卽得金剛三昧
 若有衆生不知他心聞佛說法卽知他心若有衆生
 於諸根中不知利鈍聞佛說法卽知利鈍若有衆生
 各各種類不相解語聞佛說法卽得解了音聲三昧
 若有衆生未得法身聞佛說法卽得解了分別諸身
 若有衆生不見佛身聞佛說法卽得不羈三昧若有
 衆生分別諸緣聞佛說法卽得無諍三昧若有衆生
 於轉法輪心生疑惑聞佛說法於轉法輪得心清
 若有衆生起無因邪行聞佛說法卽得法明隨順因
 緣若有衆生於一佛世界起於常見聞佛說法卽得
 善別無量佛土若有衆生未種諸相善根聞佛說法
 卽得種種莊嚴三昧若有衆生不能善別一切言語
 聞佛說法卽得解了分別種種言音三昧若有衆生
 專心求於一切智慧聞佛說法卽得無所分別法界
 三昧若有衆生退轉於法聞佛說法卽得堅固三昧
 若有衆生不知法界聞佛說法卽得大智慧若有衆
 生離本誓願聞佛說法卽得不失三昧若有衆生分

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

別諸道聞佛說法卽得一道無所分別若有衆生推
 求智慧欲同虛空聞佛說法卽得無所有三昧若有
 衆生未得具足諸波羅蜜聞佛說法卽得住於淨波
 羅蜜若有衆生未得具足四攝之法聞佛說法卽得
 妙善攝取三昧若有衆生分別四無量心聞佛說法
 卽得平等勤心精進若有衆生未得具足三十七助
 菩提法聞佛說法卽得住出世三昧若有衆生其心
 失念及善智慧聞佛說法卽得大海智印三昧若有
 衆生其心疑惑未生法忍聞佛說法卽得諸法決定
 三昧以一法相故若有衆生忘所聞法聞佛說法卽
 得不失念三昧若有衆生各各說法不相喜樂聞佛
 說法卽得清淨慧眼無有疑網若有衆生於三寶中
 不生信心聞佛說法卽得功德增長三昧若有衆生
 渴乏法雨聞佛說法卽得法雨三昧若有衆生於三
 寶中起斷滅見聞佛說法卽得諸寶莊嚴三昧若有
 衆生不作智業不勤精進聞佛說法卽得金剛智慧
 三昧若有衆生爲諸煩惱之所繫縛聞佛說法卽得智
 印三昧若有衆生不知如來具足功德聞佛說法卽
 得世間解脫三昧若有衆生於過去世未供養佛聞

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

佛說法卽得種種神足變化若有衆生一法界門於未來世無量劫中未得說之聞佛說法卽得解說一切諸法同一法界若有衆生於諸一切修多羅中未得選擇聞佛說法卽得諸法平等實相三昧若有衆生離六和法聞佛說法卽得解了諸法三昧若有衆生於不可思議解脫法門不勤精進聞佛說法於諸通中卽得師子遊戲三昧若有衆生欲分別入於如來藏聞佛說法更不從他聞卽得分別入如來藏若有衆生於菩薩道不勤精進聞佛說法卽得智慧勤行精進若有衆生未曾得見本生經聞佛說法卽得一切在在處處三昧若有衆生行道未竟聞佛說法卽得受記三昧若有衆生未得具足如來十力聞佛說法卽得無壞三昧若有衆生未得具足四無所畏聞佛說法卽得無盡意三昧若有衆生未得具足佛不共法聞佛說法卽得不共法三昧若有衆生未得具足無愚癡見聞佛說法卽得願句三昧若有衆生未覺一切佛法之門聞佛說法卽得鮮白無垢淨印三昧若有衆生未具足一切智聞佛說法卽得善了三昧若有衆生未得成就一切佛事聞佛說法卽得無量不盡意三昧如是等衆生於聞法中各得信解

1 2 3 4 5 6 7 8 9 210

1 2 3 4 5 6 7 8 9 210

有諸菩薩其心質直無有詭曲聞佛說法卽得八萬四千諸法門八萬四千諸三昧門七萬五千陀羅尼門有無量無邊阿僧祇菩薩摩訶薩修習大乘者聞是說法亦得如是無量功德安止住於不退轉地是故諸菩薩摩訶薩欲得種種莊嚴堅牢故發不可思議願增益不可思議知見以自莊嚴以三十二相莊嚴故得八十隨形好以妙音莊嚴故隨諸衆生所喜說法令聞法者滿足知見以心莊嚴故得諸三昧不生退轉以念莊嚴故不失一切諸陀羅尼以心莊嚴故得分別諸法以念莊嚴故得解微塵等義以善心莊嚴故得堅固誓願牢堅精進如其所願到於彼岸以專心莊嚴故次第過住以布施莊嚴故於諸所須悉能放捨以持戒莊嚴故令心善白清淨無垢以忍辱莊嚴故於諸衆生心無障礙以精進莊嚴故一切佐助悉得成就以禪定莊嚴故於一切三昧中得師子遊戲以智慧莊嚴故知諸煩惱習以慈莊嚴故專心念於一切衆生以悲莊嚴故悉能拔出衆生之苦以喜莊嚴故於一切法心無疑惑以捨莊嚴故得離憍慢心無高下以諸通莊嚴故於一切法得師子遊戲以功德莊嚴故得不可盡藏寶手以智莊嚴故知

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

諸衆生所有諸心以意莊嚴故方便醒悟一切衆生
 以光明莊嚴故得智慧眼明以諸辯莊嚴故令衆生
 得法義應辭以無畏莊嚴故一切諸魔不能留難以
 功德莊嚴故得諸佛世尊所有功德以法莊嚴故得
 無礙辯常爲衆生演說妙法以光明莊嚴故得一切
 佛法光明以照明莊嚴故能徧照於諸佛世界以他
 心莊嚴故得正智無亂以教誠莊嚴故得如所說護
 持禁戒以神足莊嚴故得如意足到於彼岸以受持
 一切諸如來莊嚴故得入如來無量法藏以尊法莊
 嚴故得不隨他智慧以隨行一切善法莊嚴故得如
 說而行欲令如是衆生悉得如是等功德利益若有
 無量無邊阿僧祇菩薩摩訶薩修習大乘以我說一
 句法故悉具如是白淨善法皆使充足以是故諸菩
 薩摩訶薩於諸法中所得智慧不從他聞得成就大
 法光明成阿耨多羅三藐三菩提世尊若有衆生於
 他方世界作五逆罪乃至犯四重禁燒滅善心若學
 聲聞緣覺大乘以願力故欲來生我世界既來生已
 復聚一切諸不善業麤朴弊惡其心喜求強梁難調
 專心四倒貪著慳惜如是等衆生八萬四千異性亂
 心我當爲其各各異性廣說八萬四千法聚世尊若

有衆生學無上大乘我當爲其具足廣說六波羅蜜
所謂檀波羅蜜乃至般若波羅蜜若有衆生學聲聞
乘未種善根願求諸佛以爲其師我當安止於三歸
依然後勸令住六波羅蜜若有衆生喜爲殺害我當
安止於不殺中若有衆生專行貪惡我當安止於不
盜中若有衆生非法邪淫我當安止不邪淫中若有
衆生各各故作誹謗妄語我當安止不妄語中若有
衆生樂爲狂癡我當安止不飲酒中若有衆生犯此
五事我當令受優婆塞五戒若有衆生於諸善法不
生喜樂我當令其一日一夜受持八戒若有衆生少
於善根於善根中心生愛樂我當令其於未來世在
佛法中出家學道安止令住梵淨十戒若有衆生希
望求於諸善根法我當安止善根法中令得成就梵
行具足大戒如是等衆生作五逆罪乃至慳惜爲是
衆生以種種門示現神足說諸句義開示陰界諸入
苦空無常無我令住善妙安隱寂滅無畏涅槃爲如
是四衆比丘比丘尼優婆塞優婆夷說法若有衆生
求聞論議我當爲說正法諸論乃至有求解脫之者
我當爲說空無之論若有衆生其心不樂於正善法
我當爲說營佐衆事若有衆生於正善法其心愛樂

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

我當爲說空三昧定示正解脫世尊我爲如是一一衆生要當過於百千由旬不以神足而以開示無量無邊種種方便爲解句義示現神足乃至涅槃心不生厭世尊我以三昧力故捨第五分所得壽命而般涅槃我於是時自分其身如半孽蘭子爲憐愍衆生故求般涅槃般涅槃後所有正法住世千歲像法住世滿五百歲我涅槃後若有衆生以珍寶奴樂供養舍利乃至禮拜右繞一帀合掌稱歎一莖華散以是因緣隨其志願於三乘中各不退轉世尊我般涅槃公若有衆生於我法中乃至一戒如我所說能堅持之乃至讀誦一四句偈爲他人說令彼聽者心生歡喜供養法師乃至一華一禮以是因緣隨其志願於三乘中各不退轉乃至法炬滅法幢倒正法滅已我之舍利尋沒於地至金剛際爾時娑婆世界空無珍寶我之舍利變爲意相瑠璃寶珠其明炎盛從金剛際出於世間上至阿迦尼吒天雨種種華曼陀羅華摩訶曼陀羅華波利質多華曼殊沙華摩訶曼陀羅華有淨光明大如車輪百葉千葉或百千葉其光徧照亦有好香微妙常敷觀者無厭其明炎盛不可稱計微妙之香無量無邊純雨如是無量諸華當其雨

1 2 3 4 5 6 7 8 9 210

1 2 3 4 5 6 7 8 9 210

時復出種種微妙音聲佛聲法聲比丘僧聲三歸依聲優婆塞戒聲成就八戒聲出家十戒聲布施聲持戒聲清淨梵行具大戒聲佐助衆事聲讀經聲禪思惟聲觀不淨聲念出入息聲非想非非想聲有想無想聲識處聲空處聲八勝處聲十一一切入聲定慧聲空聲無相聲無作聲十二緣聲具足聲聞藏聲學緣覺聲具足大乘六波羅密聲於其華中出如是等聲色界諸天皆悉聞之本昔所作諸善根本各自憶念所有不善尋自悔責即便來下娑婆世界教化世間無量衆生悉令得住於十善中欲界諸天亦得聞受娑婆世界教化世間無量衆生悉令得住於十善中世尊如是諸華於虛空中復當化作種種珍寶金銀摩尼真珠瑠璃珂貝璧玉真寶僞寶碼碯珊瑚天冠寶飾如雨而下一切徧滿娑婆世界爾時人民其心和悅無諸鬭諍饑餓疾病他方怨賊惡口諸毒一切消滅皆得寂靜爾時世界有如是樂若有衆生見諸珍寶若觸若用於三乘中無有退轉是諸珍寶作是利益作利益已還沒於地至本住處金剛地際世尊

0 1 2 3 4 5 6 7 8 9 20

1 2 3 4 5 6 7 8 9 20

娑婆世界兵劫起時我身舍利復當化作紺瑠璃珠
從地而出上至阿迦尼吒天雨種種華曼陀羅華摩
訶曼陀羅華波利質多華乃至還沒於地至本住處
金剛地際亦復如是世尊如刀兵劫饑餓疾疫亦復
如是世尊如是大賢劫中我般涅槃後是諸舍利作
如是佛事調伏無量無邊衆生於三乘中得不退轉
如是當於如五佛世界微塵數等大劫之中調伏無
量無邊衆生令於三乘得不退轉世尊若後滿千恒
河沙等阿僧祇劫於十方無量無邊阿僧祇餘世界
成佛出世者悉是我修阿耨多羅三藐三菩提時所
可教化初發阿耨多羅三藐三菩提心安止令住六
波羅蜜者世尊我成阿耨多羅三藐三菩提已所可
勸化令發阿耨多羅三藐三菩提心安止令住六波
羅蜜及涅槃後舍利變化所化衆生令發阿耨多羅
三藐三菩提心者是諸衆生過千恒河沙等阿僧祇
劫於十方無量無邊阿僧祇世界成佛出世皆當稱
我名字而說讚歎過去久遠有劫名賢初入劫時第
四世尊名曰某甲彼佛世尊勸化我等初發阿耨多
羅三藐三菩提心我等爾時燒滅善心集不善根作
五逆罪乃至邪見彼佛爾時勸化我等令得安住六

0123456789201234567892012345678920

波羅蜜因是卽得解了一切陀羅尼門轉正法輪離生死縛令無量無邊百千衆生安住勝果復令無量百千衆生安止天人乃至解脫果若有衆生求菩提道聞讚歎我已各問於佛彼佛世尊見何義利於重五濁惡世之中成阿耨多羅三藐三菩提是諸世尊卽便向是求菩提道善男子善女人說我往昔所成大悲初發阿耨多羅三藐三菩提心莊嚴世界及妙善願本起因緣是人聞已其心驚愕歎未曾有尋發妙願於諸衆生生大悲心如我無異作是願言其有如是重五濁世其中衆生作五逆罪乃至成就諸不善根我當於中而調伏之彼諸世尊以是諸人成就大悲於五濁世發諸善願隨其所求而與授記世尊彼佛世尊復爲修學大乘諸人說我舍利所作變化本起因緣過去久遠有佛世尊號字某甲般涅槃後刀兵疾病饑餓劫起我等爾時於其劫中受諸苦惱是佛舍利爲我等故作種種神足師子遊戲是故我等卽得發阿耨多羅三藐三菩提心種諸善根精勤修習於六波羅蜜如上廣說佛告寂意菩薩善男子爾時寶海梵志在寶藏佛所諸天大衆人非人前尋得成就大悲之心廣大無量作五百誓願已復白佛

0 1 2 3 4 5 6 7 8 9 210

1 2 3 4 5 6 7 8 9 210

言世尊若我所願不成不得已利者我則不於未來
 賢劫重五濁惡互相鬪諍末世盲癡無所師諮無有
 教誠墮於諸見大黑暗中作五逆惡如上說中成就
 所願作於佛事我今則捨菩提之心亦不願於他方
 佛土植諸善根世尊我今如是專心不以是善根成
 阿耨多羅三藐三菩提亦不願求辟支佛乘亦復不
 願作聲聞乘天王人王貪樂五欲生天人中不求乾
 麗婆阿脩羅迦樓羅緊那羅摩睺羅伽夜叉羅刹諸
 龍王等以是善根不求如是諸處世尊若得大富以
 施爲因若得生天以戒爲因若得大智以廣學爲因
 若斷煩惱以思惟爲因如佛言曰如是等事皆是已
 利功德之人則能隨其所求皆悉得之世尊若我善
 根成就得已利者我之所有布施持戒多聞思惟悉
 當成就以是果報皆爲地獄一切衆生若有衆生墮
 阿鼻地獄以是善根當拔濟之今生人中聞佛說法
 卽得開解成阿羅漢速入涅槃是諸衆生若業報未
 盡我當捨壽入阿鼻獄代受苦惱願令我身數如一
 佛世界微塵一一身如須彌山等是一一身覺諸苦
 樂如我今身所覺苦樂一一身受如一佛世界微塵
 數等種種重惡苦惱之報如今一佛世界微塵數等

卷一
經
卷一
東京大學総合図書館所蔵

210

卷一
十四
卷一
210

220

十方諸佛世界所有衆生作五逆惡起不善業乃至當墮阿鼻地獄若後過如一佛世界微塵等大劫十方諸佛世界微塵數等所有衆生作五逆惡起不善業當墮阿鼻地獄者我當爲是一切衆生於阿鼻地獄代受諸苦今不墮地獄值遇諸佛詔受妙法出於生死入涅槃城我今要當代是衆生久久處阿鼻地獄復次如一佛世界微塵數等十方世界所有衆生惡業成就當必定受果墮火炙地獄如阿鼻地獄所說炙地獄摩訶爐慢地獄爐慢地獄逼迫地獄黑繩地獄想地獄及種種畜生餓鬼貧窮夜叉拘槃茶毗舍遮阿脩羅迦樓羅等皆亦如是世尊若有如一佛世界微塵數等十方世界所有衆生成就惡業必當受報生於人中聾盲瘡痘無手無脚心亂失念食噉不淨我亦當代如是衆生受於諸罪如上所說復次若有衆生墮阿鼻地獄受諸苦惱我當久久代是衆生受於苦惱如生死衆生所受陰界諸入畜生餓鬼貧窮夜叉拘槃茶毗舍遮阿脩羅迦樓羅等皆亦如是世尊若我所願成就逮得已利成阿耨多羅三藐三菩提如上所願者十方無量無邊阿僧祇世界在處處現在諸佛爲衆生說法悉當爲我作證亦是在

1 2 3 4 5 6 7 8 9 210

1

2 3 4 5 6 7 8 9 210

1

2 3 4 5 6 7 8 9 210

諸佛之所知見世尊唯願今者與我阿耨多羅三藐三菩提記於賢劫中人壽百二十歲時成佛出世如來應供正徧知乃至天人師佛世尊世尊若我必能成就如是佛事如我之所願者今此大衆及諸天龍阿脩羅等若處地上虛空唯除如來其餘一切皆當涕泣悉於我前頭面作禮讚言善哉善哉大悲成就無能及也得念甚深爲諸衆生生是深悲發堅固誓願汝今所作不由他教以專心大悲覆護一切攝取五逆諸不善人汝之善願我今悉知汝初發阿耨多羅三藐三菩提心時已爲衆生作大良藥爲作歸依擁護舍宅爲令衆生得解脫故作是誓願汝今所願得已利者如來當爲汝授阿耨多羅三藐三菩提記說是語已時轉輪聖王無量清淨尋從座起悲泣淚出叉手合掌向是梵志頭面敬禮而說偈言

汝今所願

堅固甚深

放捨已樂

爲諸衆生

起大悲心

爲我等現

諸法真實

勝妙之相

爲我等現

爾時觀世音菩薩說偈讚言

衆生多所著

汝今無所著

於上下諸根

久已得自在

故能隨衆生

根願具足與

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

未來世當得陀羅尼智藏

爾時得大勢菩薩說偈讚言

無量億衆生爲善故集聚見知汝大悲

一切皆啼泣所作諸苦行昔來未曾有

爾時文殊師利菩薩復說偈讚言

精進三昧甚堅牢固勝妙智慧

善能分別若以香華供養汝者

汝於今日則能堪受

爾時虛空印菩薩復說偈讚言

汝爲衆生成就大悲捨財布施

於濁惡世嚴持諸相微妙第一

爲諸天人作調御師

爾時金剛智慧光明菩薩復說偈讚言

汝今大悲心廣大如虛空欲爲衆生親

故現行菩提

爾時虛空日菩薩復說偈讚言

汝所成就大悲功德勝妙智慧

善別法相除佛世尊餘無能及

爾時師子香菩薩復說偈讚言

汝於來世於賢劫中多煩惱處

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

得大名稱 復令無量 諸衆生等

斷除苦惱 得妙解脫

爾時普賢菩薩復說偈讚言

一切衆生 勤心修習

涉邪見山 互相食噉

汝以大悲 故能攝取

爾時阿閦菩薩復說偈讚言

燒滅善心 專作逆惡

黑暗之中 無由得出

汝已攝取 如是衆生

爾時香手菩薩復說偈讚言

汝今審見 未來之世 多諸恐怖

如觀鏡像 其中衆生 毀壞正法

皆悉燒滅 一切善心

爾時寶相菩薩復說偈讚言

汝今純以 智慧持戒 三昧慈悲

莊嚴其心 故能攝取 燒滅善法

誹謗聖人 如是衆生

爾時離恐怖莊嚴菩薩復說偈讚言

汝今所修 無量苦行 皆爲攝取

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

當來衆生 燒滅善心 依邪見者

爾時華手菩薩復說偈讚言

汝今大悲

智慧精進

於此大衆

無能及者

是故攝取

邪見諸心

爲老病死

之所逼者

爾時智稱菩薩復說偈讚言

無量衆生

多諸痛苦

常爲煩惱

惡風所吹

汝今能以

大智慧水

消滅諸魔

破其力勢

發阿彌陀

爾時地印菩薩復說偈讚言

汝今已有

堅固精進

能盡煩惱

而得解脫

我等志薄

不能及是

爾時月華菩薩復說偈讚言

堅固修習

精進用意

亦能依止功德

生憐愍心

是故來世

能爲衆生

斷於三世

三有結縛

爾時無垢月菩薩復說偈讚言

菩薩所行道

大悲爲最上

所說悲相立

是故我稽首

爾時持力菩薩復說偈讚言

五濁惡世 多煩惱病 汝依菩提
發堅固願 爲諸衆生 斷煩惱根

爾時大覺菩薩復說偈讚言

汝之智慧 猶如寶藏 所發誓願
清淨無垢 所可修行 無上菩提

但爲衆生 作大醫王

爾時現力菩薩悲泣涕淚在梵志前頭面作禮合掌
叉手說偈讚曰

汝今以此 大智慧炬 爲諸衆生

斷煩惱病 亦爲貧窮 空乏衆生

斷除一切 無量諸苦

善男子爾時一切大衆天龍鬼神乾闥婆人及非人
在梵志前頭面作禮禮已起立合掌恭敬以種種讚
法而讚歎之佛告寂意菩薩善男子爾時寶海梵志
於如來前右膝著地是時大地六種震動一切十方
如一佛世界微塵數等諸佛世界亦六種震動有大
光明徧照世間兩種種華曼陀羅華摩訶曼陀羅華
波利質多華曼殊沙華摩訶曼殊沙華乃至有無量
光明徧照十方如一佛世界微塵等若淨不淨諸世
界中在在處處現在諸佛爲諸衆生說於正法是諸

佛所各有菩薩坐而聽法是諸菩薩見此大地六種震動放大光明雨種種華見是事已前白佛言世尊何因緣故而此大地六種震動有大光明雨種種華爾時東方去此一恒河沙等有佛世界名選擇珍寶是中有佛號寶月如來應供正徧知明行足善逝世間解無上士調御丈夫天人師佛世尊今現在與無量無邊阿僧祇等諸大菩薩恭敬圍繞說大乘法有二菩薩一名寶相二名月相向寶月佛合掌恭敬而白佛言世尊何因緣故地六種動有大光明雨種種華爾時彼佛告二菩薩善男子西方去此如一恒河沙等彼有世界名刪提嵐有佛世尊號曰寶藏如來乃至佛世尊今現在與無量無邊諸菩薩等授阿耨多羅三藐三菩提記說諸國土開示諸佛所有世界莊嚴善願三昧境界陀羅尼門如是等經彼大會中有一大悲菩薩摩訶薩作如是願我今當以大悲熏心受阿耨多羅三藐三菩提記爲諸菩薩摩訶薩故示現善願是以先令無量無邊諸菩薩等發大誓願取於種種莊嚴世界調伏衆生是菩薩所成大悲於諸大衆無能及者於五濁世調伏弊惡多煩惱者攝取一切五逆之人乃至集聚諸不善根燒滅善心彼

0 1 2 3 4 5 6 7 8 9 210

1 2 3 4 5 6 7 8 9 210

210

諸大衆天龍鬼神人及非人不供養佛悉共供養最
後成就大悲菩薩頭面禮已起立恭敬合掌說偈讚
歎是時大悲菩薩在於佛前右膝著地聽佛受記彼
佛世尊即便微笑以是因緣令此十方如一佛刹微
塵數等諸世界地六種震動放大光明雨種種華醒
悟一切諸菩薩等亦復示現諸菩薩道彼佛世尊悉
令十方如一佛刹微塵數等諸菩薩皆共集會爲如
是等諸大菩薩說諸三昧陀羅尼門無畏法門是故
彼佛示現如是種種變化善男子時二菩薩聞是事
已卽白佛言世尊是大悲菩薩發心以來爲經幾時
行菩薩道復齊幾時何時當於五濁惡世調伏攝取
厚重煩惱互共鬪諍多作五逆成就一切諸不善根
燒滅善心如是衆生爾時彼佛告二菩薩善男子是
大悲菩薩今日初發阿耨多羅三藐三菩提心善男子
汝今可往見寶藏佛恭敬供養禮拜圍繞聽說三
昧陀羅尼門無畏法門如是等經并見大悲菩薩摩
訶薩汝以我聲作如是言寶月如來致意問訊以此
月光淨華作信與汝又讚汝言善哉善哉善男子汝
初發心已能成就如是大悲汝今已有無量名稱徧
滿十方如一佛刹微塵數等諸佛世界皆言大悲菩

1 2 3 4 5 6 7 8 9 210

1 2 3 4 5 6 7 8 9 210

經

卷第
三

二十一

方十

薩始初發心已能成就如是大悲是故善男子我今讚汝善哉善哉善男子汝爲當來諸菩薩等成就大悲故說是大悲不斷善願豎立法幢是故復讚善哉善哉復次善男子汝之名稱未來世住當如一佛刹微塵數等阿僧祇劫教百千億無量無邊阿僧祇衆生安止令住阿耨多羅三藐三菩提至於佛所得不退轉或發善願或取淨土攝取衆生隨而調伏復令未來得受阿耨多羅三藐三菩提記如是衆生於未來世過如一佛刹微塵數劫當於十方如一佛刹微塵數等諸佛世界成阿耨多羅三藐三菩提轉正法輪復當讚歎大悲菩薩是故以此三讚歎法讚歎於汝善哉善哉善男子爾時彼土有九十二億諸菩薩摩訶薩異口同聲作如是言世尊我等欲往刪提嵐界見寶藏佛禮拜供養恭敬圍繞聽諸三昧陀羅尼門無畏法門如是等經并欲見於大悲菩薩爾時彼佛以此三讚歎法及月光淨華與二菩薩而告之曰宜知是時爾時寶相菩薩月相菩薩於彼佛所取月光淨華并與九十二億菩薩摩訶薩發彼世界如電光發沒彼卽到刪提嵐刹閻浮園中寶藏佛所到佛所已頭面禮足以諸菩薩所得種種師子遊戲

1 2 3 4 5 6 7 8 9 210

1 2 3 4 5 6 7 8 9 210

供養佛已見寶海梵志爲此大衆所共恭敬合掌讚歎見是事已卽便思惟今此大士或當卽是大悲菩薩是故能令寶月如來送此寶華是二菩薩尋於佛前旋向梵志卽以華與作如是言寶月如來以此妙華與汝爲信并三讚法如上所說如是言寶月如來以此妙邊阿僧祇諸佛世界亦遣無量菩薩摩訶薩至刪提嵐界皆以月光淨華三讚歎法餘如上說善男子爾時南方去此七萬七千百千億佛世界有佛世界名寶樓師子吼有佛號師子吼相尊王如來應供正偏知明行足善逝世間解無上士調御丈夫天人師佛世尊今現在爲諸菩薩說大乘法有二菩薩摩訶薩一名金剛智相二名師子金剛相是二菩薩白佛言世尊何因緣故地六種動有大光明雨種種華皆如東方諸菩薩比復次南方無量無邊諸佛遣無量菩薩至刪提嵐界亦如是爾時西方去此八萬九千百千億世界有世界名安樂有佛號攝諸根淨目如來今現在爲四部衆說三乘法有一菩薩一名賢日光明二名師子吼身是二菩薩白佛言世尊何因緣故地六種動有大光明雨種種華餘如上說如是西方無量世界亦復如是爾時北方過九萬百千億世界

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

彼有世界名勝真實有佛號世間尊王如來今現在爲諸菩薩說大乘法有二菩薩一名不動住二名得智慧世間尊王是二菩薩白佛言世尊何因緣故地六種動餘如上說北方無量世界亦如是爾時下方過九萬八千百千億那由他有世界名離暗霧有佛號離恐怖圍繞音今現在爲四部衆說三乘法有二菩薩一名日尊二名虛空日是二菩薩白佛言世尊何因緣故地六種動餘如上說下方世界亦復如是

悲華經卷第七

音釋

掣昌外切沫莫割切荼蘆草精丁切荼蘆葉脚聲憍五谷依倨切也
遽遽落胡切盧大也侵莫半切狹屬獨也淤濁泥也

歙縣龔門信女鄭氏施貲刻光
悲華經第七卷計字九千一百九十箇該銀
四兩六錢祈保壽星高照家道興隆吉祥如意者
銀山釋海亮對長洲徐普書真州劉文元刻
萬曆癸丑歲冬十二月徑山化城識

0 1 2 3 4 5 6 7 8 9 210

1 2 3 4 5 6 7 8 9 210

悲華經卷第八

北涼天竺三藏法師曇無讖譯

人天事人

諸菩薩本受記品第四之六

爾時上方過二十萬百千世界有世界名妙華是中有佛號華敷日王如來今現在爲四部衆說三乘法有二菩薩一名選擇自法攝取國土二名陀羅尼妙音是二菩薩俱白佛言世尊何因緣故而此大地六種震動有大光明雨種種華爾時彼佛告二菩薩善男子下方過二十萬百千世界有世界名刪提嵐有佛世尊號曰寶藏如來乃至佛世尊今現在與無量

無邊諸菩薩等授阿耨多羅三藐三菩提記說諸國
土開示諸佛所有世界莊嚴善願三昧境界陀羅尼
門如是等經彼大會中有一大悲菩薩摩訶薩作如
是願我今當以大悲熏心受阿耨多羅三藐三菩提
記爲諸菩薩摩訶薩故示現善願是以先令無量無
邊諸菩薩等發大誓願取於種種莊嚴世界調伏衆
生是菩薩所成大悲於諸大衆無能及者於五濁世
調伏弊惡多煩惱者攝取一切五逆之人乃至集聚
諸不善根燒滅善心彼諸大衆天龍鬼神人及非人
不供養佛悉共供養最後成就大悲菩薩頭面作禮
禮已起立恭敬合掌說偈讚歎是大悲菩薩在於佛
前右膝著地聽佛受記彼佛世尊卽便微笑以是因
緣令此十方如一佛刹微塵等世界地六種動放大
光明兩種種華醒悟一切諸菩薩等亦復示現諸菩
薩道彼佛世尊悉令十方如一佛刹微塵數等諸菩
薩衆皆共集會爲如是等諸大菩薩說諸三昧陀羅
尼門無畏法門是故彼佛示現如是種種變化善男
子時一菩薩聞是事已卽白佛言世尊是大悲菩薩
發心已來爲經幾時行菩薩道復齊幾時何時當於
五濁惡世調伏攝取厚重煩惱互共鬪諍多作五逆

0 1 2 3 4 5 6 7 8 9 200

1 2 3 4 5 6 7 8 9 200

1 2 3 4 5 6 7 8 9 200

成就一切諸不善根燒滅善心如是衆生爾時彼佛告二菩薩善男子是大悲菩薩今日初發阿耨多羅三藐三菩提心善男子汝今可往見寶藏佛供養恭敬禮拜圍繞聽說三昧陀羅尼門無畏法門如是等經并見大悲菩薩摩訶薩汝以我聲作如是言華敷日王佛致意問訊以此月光淨華作信與汝又讚汝言善哉善哉善男子汝初發心已能成就如是大悲汝今已有無量名稱徧滿十方如一佛刹微塵數等諸佛世界皆言大悲菩薩始初發心已能成就如是大悲是故善男子我今讚汝善哉善哉復次善男子汝爲當來諸菩薩等成就大悲故說是大悲不斷善願豎立法幢是故復讚言善哉善哉復次善男子汝之名稱未來世住當如一佛刹微塵數等阿僧祇劫教百千億無量無邊阿僧祇衆生安止令住阿耨多羅三藐三菩提至於佛所得不退轉或發善願或取淨土攝取衆生隨而調伏復令未來得受阿耨多羅三藐三菩提記如是衆生於未來世過如一佛刹微塵數等劫當於十方如一佛刹微塵數等諸世界中得成阿耨多羅三藐三菩提轉正法輪復當讚汝是以此三讚歎法讚歎於汝善哉善哉善男子爾時

0 1 2 3 4 5 6 7 8 9 210

1 2 3 4 5 6 7 8 9 210

彼土有無量億菩薩異口同聲作如是言世尊我等欲往刪提嵐界見寶藏佛禮拜供養恭敬圍繞聽諸三昧陀羅尼門無畏法門并欲見於大悲菩薩爾時彼佛以此三讚歎法及月光淨華與二菩薩而告之曰宜知是時時二菩薩於彼佛所取此寶華并與無量億菩薩衆如一念頃沒彼世界忽然來到刪提嵐界間浮園中見寶藏佛頭面作禮爾時世界諸大菩薩修習大乘及學緣覺聲聞乘者天龍鬼神摩睺羅伽如是等類其數無量不可稱計譬如甘蔗竹葦稻麻叢林徧滿其國以諸菩薩所得種種師子遊戲供養於佛供養佛已見寶海梵志爲此大衆所共恭敬合掌讚歎見是事已即便思惟今此大士或當即是大悲菩薩是故能令華敷日王如來送此寶華是二菩薩復於佛前旋向梵志卽以華與作如是言華敷日王如來以此妙華與汝爲信并三讚法如上所說善男子爾時所雨種種諸華亦到無佛世界徧出種種妙善音聲其聲徧滿所謂佛聲法聲比丘僧聲減盡聲無所有聲諸波羅蜜聲力無所畏聲六神通聲無所作聲無生滅聲寂靜聲大慈聲大悲聲無生忍聲受記聲說大乘聲彼有菩薩以本願故有大神力

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

修習深法而得自在爲衆生故住彼世界聞是聲已
 以佛力故以願力故以三昧力於彼世界乘神通力
 如大力士屈伸臂頃至刪提嵐界闍浮園中寶藏佛
 所頭面禮足以諸菩薩所得種種師子遊戲供養於
 佛及諸大衆次第而坐聽受妙法善男子爾時寶海
 梵志取此月光淨華供養寶藏如來已白佛言世尊
 唯願如來與我授阿耨多羅三藐三菩提記善男子
 爾時寶藏如來卽入三昧其三昧名電燈以三昧力
 故令刪提嵐界一切山樹草木土地變爲七寶令諸
 大衆悉得自見皆於佛前聽受妙法隨所思惟或自
 見身青色黃色白色紫色赤色黑色或見似風或見
 似火或見似空復見似熱時之炎或見似水或似水
 泉或似大山或似梵天或似帝釋或見似華或似迦
 樓羅或見似龍或似師子或似日月或似星宿或見
 似象或似野狐在佛前坐聽受妙法時隨所思惟各
 自見身如是相貌善男子如是衆生隨所思惟復見
 自身同寶藏佛身等無差別是諸大衆在於佛前尋
 見梵志坐於千葉七寶蓮華一切大衆處地虛空若
 坐若立一一衆生各各自見寶藏如來獨坐其前獨
 爲說法唯我獨見善男子爾時寶藏如來讚寶海梵

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

志言善哉善哉大悲淨行汝爲無量無邊衆生起此
 大悲能大利益於世間中作大光明梵志譬如成就
 華田有種種色種種香種種觸種種葉種種莖種種
 根種種功德諸藥所須皆悉成就或有蓮華滿百千
 由旬光明妙香亦與華等或有縱廣一百或有縱廣
 二百或有縱廣三百由旬光明妙香亦與華等有華
 乃至如一天下光明妙香亦等無差別衆生之類或
 有盲者聞此華香卽得見色聾者聞聲乃至一切諸
 根不具卽得具足若有衆生四百四病或動發時聞
 此華香病卽除愈若有顛狂放逸狂癡睡眠心亂失
 念聞此華香皆得一心是華田中亦生芬陀利華其
 華堅牢猶如金剛瑠璃爲莖臺有百子純金爲葉碼
 磨爲茸赤真珠爲鬚華高八十四億由旬周匝縱廣
 十萬由旬是華所有色香觸等徧滿十方如一佛刹
微塵數諸小世界其中衆生或有四大不調適者疾
 痘困篤諸根羸損顛狂放逸狂癡睡眠心亂失念見
 華光明及聞其香一切所患各除愈皆得一心若
 彼衆生適命終已及身未壞光明來觸香氣來熏尋
 得命根還起如本與諸親屬共遊園觀以五所欲共
 相娛樂若必命終不生餘處生於梵天在彼久住壽

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

命無量梵志是蓮華田者即是此會之大衆也譬如
 日出衆華開敷如佛日出增益長養妙香光明爲諸
 衆生斷除諸苦善男子我今如日出現於世令諸衆
 生善根華敷有微妙香光明徧照能除衆生種種諸
 痘卽是如來出現於世以大悲光明徧覆一切令諸衆
 衆生善根開敷增益安住於三福處汝善男子所化
 無量無邊阿僧祇衆生令住阿耨多羅三藐三菩提
 至我所者是諸衆生各各自發種種善願取佛世界
 或淨不淨我已隨其所願授記善男子若有菩薩在
 於我前願取淨土以清淨心善自調伏種諸善根攝
 取衆生者雖謂菩薩猶非猛健大丈夫也非是菩薩
 深重大悲爲衆生故求阿耨多羅三藐三菩提若有
 取於淨佛土者卽是菩薩捨離大悲又復不願離二
 乘者如是菩薩無巧便慧善平等心若有菩薩作是
 誓願令我世界遠離聲聞辟支佛乘滅不善根無諸
 女人及三惡道成阿耨多羅三藐三菩提已純以菩
 薩摩訶薩等爲大眷屬純說無上大乘之法壽命無
 量久住於世經無數劫純爲善心調伏白淨成善根
 者說微妙法如是之人雖謂菩薩非大士也何以故
 以無巧便平等智故善男子爾時寶藏如來伸金色

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

臂其五指頭放大光明其光明有種種無量百千諸色徧照西方過無量無邊阿僧祇世界有世界名曰大指彼土人民壽三十歲面色醜陋形貌可惡成就一切諸不善根身長六尺彼中有佛號大光明如來應供正徧知明行足善逝世間解無上士調御丈夫天人師佛世尊今現在爲四部衆說三乘法善男子爾時大衆悉得遙見彼佛世尊及諸大衆時寶藏佛告諸大衆彼大光明佛於過去無量無邊阿僧祇劫寶蓋光明佛所初發阿耨多羅三藐三菩提心爾時亦勸無量無邊億那由他衆生安止住於無上道中隨心所願取於種種莊嚴世界或淨不淨取五濁惡世是大光明佛亦勸我發心安止住於阿耨多羅三藐三菩提爾時我於寶蓋光明佛所勸發莊嚴願於此五濁惡世成阿耨多羅三藐三菩提爾時彼佛讚我善哉善哉卽便授阿耨多羅三藐三菩提記我於爾時有是善知識故勸我阿耨多羅三藐三菩提彼善知識勝妙丈夫取此重惡五濁之世多諸煩惱不淨國土所有衆生行於惡逆乃至成就諸不善根燒滅善心宛轉生死空曠澤中所願調伏如是衆生爾時是善丈夫十方無量無邊諸佛世界所有諸佛各

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

各遣使至是人所稱揚讚歎卽爲作號名爲大悲日月光明彼大悲日月光明卽是我之善知識也作大利益於大指世界成佛未久爲此短命諸惡人等轉正法輪彼佛初成阿耨多羅三藐三菩提時十方無量無邊諸佛各各遣使至彼佛所爲供養恭敬尊重讚歎故是諸世尊皆是往昔大光明佛之所勸化初令安住檀波羅蜜乃至般若波羅蜜是諸世尊以知恩故遣諸菩薩致是供養梵志汝今見不是諸世尊各各處於清淨世界壽命無量純爲善心調伏白淨成善根者作於佛事是大光明佛處斯穢惡不淨世界五濁惡世成阿耨多羅三藐三菩提所有衆生多作逆罪乃至成就諸不善根壽命短促能於是中增益長養無量佛事不捨聲聞辟支佛乘爲諸衆生說三乘法汝是善丈夫一切大衆所不及也所作勝妙甚難誓願取不淨土五濁惡世人多作逆乃至成就諸不善根調伏攝取如是衆生善男子若有菩薩取清淨佛世界離三惡道及聲聞緣覺攝取調伏善心白淨成就善根如是衆生是名菩薩譬如餘華也非謂大菩薩如芬陀利華以於善心調伏衆中種諸善根作佛事故梵志今聽菩薩四法懈怠何等四一者

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

願取清淨世界二者願於善心調伏白淨衆中施作
 佛事三者願成佛已不說聲聞辟支佛法四者願成
 佛已壽命無量是名菩薩四法懈怠是謂菩薩譬喻
 如華非謂菩薩如芬陀利梵志於此大衆唯除一人
 婆由毗紐取不淨世界調伏攝護多煩惱者於賢劫
 中或有菩薩取不淨土梵志菩薩有四法精進何等
 四一者願取不淨世界二者於不淨人中施作佛事
 三者成佛已三乘說法四者成佛已得中壽命不長
 不短是名菩薩四法精進是謂菩薩如芬陀利非如
 餘華是名菩薩摩訶薩梵志汝今於此無量無邊阿
 僧祇菩薩大衆華田之中發願受記汝於佛前已生
 大悲芬陀利故攝取多逆成就一切諸不善根五濁
 惡世而於是中隨調伏之汝以大悲音聲故能令十
 方如一佛刹微塵等諸佛世尊遣信稱讚稱讚已號
 汝爲成就大悲復令此大衆供養於汝又汝大悲於
 未來世過一恒河沙等阿僧祇劫入第二恒河沙等
 阿僧祇劫後分娑婆世界賢劫中人壽百二十歲爲
 不善根行於邪道入煩惱河專作五逆毀壞正法誹
 謗聖人犯四重禁餘如上說於如是等煩惱亂世當

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

成爲佛如來應供正徧知明行足善逝世間解無上
士調御丈夫天人師佛世尊離生死輪轉正法輪破
壞四魔爾時有大名聲十方徧滿無量無邊諸佛世
界有聲聞大衆千二百五十次第於四十五歲中成
就如是無量佛事如汝所願具足無缺是無量淨王
成佛時壽命無量雖於無量無邊劫中亦能成就如
是佛事等無差別汝善丈夫般涅槃後正法住世滿
一千歲正法滅已汝諸舍利如汝所願作於佛事久
久在世利益衆生如上所說善男子爾時會中有一
梵志名相具足作是言善大丈夫若於來世無量無
邊阿僧祇劫爲菩薩時在在生處我當爲汝常作侍
使恒以慈心奉給所須至一生時復當作父汝成佛
已作大檀越亦當授我無上道記時有海神名曰調
意復作是言善大丈夫從今已往在在之處乃至一
生願我常當爲汝作母汝成佛已亦當授我無上道
記時有水神復作是言從今已往所在之處乃至一
生願我常當作汝乳母汝成佛已亦當授我無上道
記有二帝釋一名善念二名寶念復作是言善大丈
夫汝成佛已我等當作智慧神足聲聞弟子復有帝
釋名善見足作如是言大悲從今已往在在之處乃

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

至一生常爲汝子有須彌山神名善樂華復作是言
 大悲汝乃至一生常爲汝婦成佛道已亦當授我無
 上道記復有阿脩羅王名智臆行復作是言大悲於
 無量無邊阿僧祇劫爲菩薩時乃至一生於其中間
 我當爲汝僮僕給使奉諸所安汝成阿耨多羅三藐
 三菩提已轉正法輪我初解法得於實果服甘露味
 乃至得斷一切煩惱成阿羅漢爾時復有一恒河沙
 等天龍鬼神阿脩羅迦樓羅人非人等向大悲菩薩
 作是誓願善大丈夫要當調伏教化我等爾時有一
 裸形梵志名亂想可畏復作是言善大丈夫汝於無
 量無邊阿僧祇劫行菩薩道時我當從汝求索所須
 常至汝所乞求衣服牀榻臥具房舍屋宅象馬車乘
 國城妻子頭目髓腦皮肉手脚耳鼻舌身善大丈夫
 我當爲汝作佐助因令汝滿足檀波羅蜜乃至般若
 波羅蜜大悲梵志如是等行菩薩道時我當勸汝令
 得具足六波羅蜜汝成佛已願作弟子當從汝聞八
 萬法聚聞已卽能辯說法相說法相已汝當授我無
 上道記善男子爾時梵志聞是事已卽禮佛足便告
 裸形梵志言善哉汝真是我無上道伴汝於無
 量無邊百千萬億阿僧祇劫常至我所乞索所須所

謂衣服乃至舌身我於爾時以清淨心捨諸所有布施於汝汝於是時亦無罪分善男子爾時大悲菩薩摩訶薩復作是言世尊我於無量無邊百千萬億阿僧祇劫在在生處爲菩薩時有諸乞士在我前住若求飲食或以軟語或以惡言或輕毀訾或真實言世尊我於爾時乃至不生一念惡心若生瞋恚如彈指項以施因緣求將來報者我卽欺誑十方世界無量無邊阿僧祇現在諸佛於未來世亦當必定不成阿耨多羅三藐三菩提世尊我今當以歡喜之心施於乞者願令受者無諸損益於諸善根亦無留難乃至一毫若我令彼受者有一毫損益善根留難者則爲欺誑十方世界無量無邊阿僧祇等現在諸佛若誑諸佛者則當必墮阿鼻地獄不能歡喜施與衣服飲食若彼乞者或以硬語或麤惡言或輕毀訾或真實言求索如是頭目髓腦世尊若我是時心不歡喜乃至生於一念瞋恚以此施緣求果報者則爲欺誑十方世界無量無邊現在諸佛以是因緣必定墮於阿鼻地獄如檀波羅蜜說乃至般若波羅蜜亦如是善男子爾時寶藏如來卽便讚歎寶海梵志善哉善哉善能安止大悲心故作是誓願善男子爾時一切大

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

衆諸天龍鬼神人及非人合掌讚言善哉善哉善能
 安止大悲心故作是誓願得大名稱堅固行於六和
 之法充足利益一切衆生善男子如裸形梵志作誓
 頌時復有八萬四千人亦同梵志所發誓願善男子
 爾時大悲菩薩摩訶薩復共如是八萬四千人同作
 誓願心生歡喜合掌四顧徧觀大衆作如是言未曾
 有也未來之世正法滅時多諸煩惱五濁惡世我於
 是中放大光明作調御師於黑暗世然正法燈若諸
 衆生無有救護無有勢力無佛示導我令初發菩提
 心時已得如是等無上道伴是等諸人願令世世從
 我受此頭目髓腦皮肉骨血手足耳鼻舌身乃至衣
 服飲食善男子爾時寶海梵志白佛言世尊若未來
 之世無量無邊百千萬億阿僧祇劫如是衆生來至
 我所受我所施頭目髓腦乃至飲食如一毛分已我
 成阿耨多羅三藐三菩提已若不脫生死不得受記
 於三乘者我則欺詐十方世界無量無邊現在諸佛
 必定不成阿耨多羅三藐三菩提善男子爾時寶藏
 如來復重讚歎大悲菩薩善哉善哉善大丈夫汝能
 如是行菩薩道譬如往昔須彌山寶菩薩在世間光
 明佛前初發如是菩提之心作是誓願亦行如是菩

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

薩之道過一恒河沙等阿僧祇劫東方去此百千億
 佛世界彼有世界名光明智熾人壽百歲於中成佛
 號智華無垢堅菩提尊王如來應供正徧知明行足
 善逝世間解無上士調御丈夫天人師佛世尊住世
 說法四十五年作於佛事爾時佛告大悲菩薩彼佛
 般涅槃後正法住世滿一千歲正法滅已像法住世
 亦一千歲大悲彼佛世尊若在世若涅槃正法像法
 於此中間有諸比丘及比丘尼非法毀戒行於邪道
 飲食臥具醫藥取衆僧物以爲已有自用與人及與
 在家者善男子如是等人彼佛世尊皆與授記於三
 乘中大悲彼如來所若有出家著袈裟者皆得受記
 不退三乘若有比丘比丘尼優婆塞優婆夷犯四重
 禁彼佛於此起世尊想種諸善根亦與授記不退三
 乘善男子爾時大悲菩薩摩訶薩復作是言世尊我
 今所願行菩薩道時若有衆生我要勸化令安止住
 檀波羅蜜乃至般若波羅蜜乃至勸化令住如一毛
 端善根乃至成阿耨多羅三藐三菩提若不安止乃
 至一衆生於三乘中令退轉者則爲欺誑十方世界
 無量無邊阿僧祇等現在諸佛必定不成阿耨多羅

三藐三菩提世尊我成佛已若有衆生入我法中出
家著袈裟者或犯重戒行邪見若於三寶輕毀不信
集諸重罪比丘比丘尼優婆塞優婆夷若於一念中
生恭敬心尊重世尊或於法僧世尊如是衆生乃至
一人不於三乘得受記莉而退轉者則爲欺誑十方
世界無量無邊阿僧祇等現在諸佛必定不成阿耨
多羅三藐三菩提世尊我成佛已諸天龍鬼神人及
非人若能於此著袈裟者恭敬供養尊重讚歎其人
若得見此袈裟少分卽得不退於三乘中若有衆生
爲饑渴所逼若貧窮鬼神下賤諸人乃至餓鬼衆中
若得袈裟少分乃至四寸其人卽得飲食充足隨其所
願疾得成就若有衆生共相違反起怨賊想處轉
闡諍若諸天龍鬼神乾闥婆阿脩羅迦樓羅緊那羅
摩睺羅伽拘辨茶毗舍遮人及非人及共闡諍時念
此袈裟尋生悲心柔軟之心無怨賊心寂滅之心調
伏善心有人若在兵甲鬪訟斷事之中持此袈裟少
分至此輩中爲自護故供養恭敬尊重是諸人等無
能侵毀觸燒輕弄常得勝他過此諸難世尊若我袈
裟不能成就如是五事聖功德者則爲欺誑十方世
界無量無邊阿僧祇等現在諸佛未來不應成阿耨

0 1 2 3 4 5 6 7 8 9 210

1

2 3 4 5 6 7 8 9 210

多羅三藐三菩提作佛事也沒失善法必定不能破壞外道善男子爾時寶藏如來伸金色右臂摩大悲菩薩頂讚言善哉善哉善大丈夫汝所言者是大珍寶是大賢善汝成阿耨多羅三藐三菩提已是袈裟衣能成就此五聖功德作大利益善男子爾時大悲菩薩摩訶薩聞佛稱讚已心生歡喜踊躍無量因佛伸此金色之臂長指合縵其手柔軟猶如天衣摩其頭已其身卽變狀如童子二十歲人善男子彼會大衆諸天龍神乾闥婆人及非人又手恭敬向大悲菩薩供養散種種華乃至妓樂而供養之復種種讚歎種種讚歎已默然而住

檀波羅蜜品第五之一

善男子爾時大悲菩薩頭面敬禮寶藏如來禮佛足已在於佛前白言世尊所言諸三昧門助菩提法清淨門經齊幾名爲諸三昧門助菩提法清淨門經云何菩薩無畏莊嚴具足於忍善男子爾時彼佛讚大悲菩薩言善哉善哉大悲汝今所問甚奇甚特卽是珍寶能大利益無量無邊諸菩薩等何以故大悲汝能問佛如是大事大悲汝今諦聽諦聽若有善男子善女人修行大乘有首楞嚴三昧入是三昧能入一

切諸三昧中有寶印三昧入是三昧能印諸三昧有
師子遊戲三昧入是三昧於諸三昧能師子遊戲有
善月三昧入是三昧能照諸三昧有月幢相三昧入
是三昧能持諸三昧幢有出一切法性三昧入是三
昧能出一切三昧有觀印三昧入是三昧能觀一切
三昧頂有離法界三昧入是三昧能分別諸三昧有
離幢相三昧入是三昧能持一切諸三昧幢有金剛
三昧入是三昧能令一切三昧不可破壞有諸法印
是三昧入是三昧能印一切法有三昧王善住三昧入
是三昧於諸三昧安住如王有放光三昧入是三昧
能放光明照諸三昧有力進三昧入是三昧於諸三
昧增進自在有正出三昧入是三昧能正出諸三昧
有辯辭三昧入是三昧悉解一切無量音聲有語言
三昧入是三昧能入一切諸語言中有觀方三昧入
是三昧悉能偏觀諸三昧方有一切法三昧入是三
昧能破一切法有持印三昧入是三昧持諸三昧印
有入一切法寂靜三昧入是三昧令一切三昧入於
寂滅有不失三昧入是三昧不忘一切三昧有一切
法不動三昧入是三昧令一切三昧不動有親近一
切法海印三昧入是三昧攝取親近一切三昧有一

01234567892012345678920123456789201234567892012345678920

切無我三昧入是三昧令諸三昧無有生滅有偏覆虛空三昧入是三昧偏覆一切三昧有不斷一切法三昧入是三昧持諸三昧令不斷絕有金剛場三昧入是三昧能治一切諸三昧場有一切法一味三昧入是三昧能持一切法一味有離樂愛三昧入是三昧能離一切煩惱及助煩惱有一切法無生三昧入是三昧能示一切三昧無生無滅有光明三昧入是三昧能照一切三昧令其熾明有不滅一切法三昧入是三昧不分別一切三昧有不求三昧入是三昧不求一切諸法有不住三昧入是三昧於諸法中不住法界有虛空憶想三昧入是三昧令諸三昧皆是虛空見其真實有無心三昧入是三昧能於一切諸三昧中滅心心數法有色無邊三昧入是三昧於一切三昧中色無邊光明有淨燈三昧入是三昧於一切三昧中能作燈明有一切法無邊三昧入是三昧於諸三昧悉能示現無量智慧有電無邊三昧入是三昧於諸三昧示現智慧有一切光明三昧入是三昧於諸三昧示現三昧門光明有諸界無邊三昧入是三昧於諸三昧示現無量無邊智慧有白淨堅固三昧入是三昧於諸三昧得空定有須彌山空三昧

入是三昧於諸三昧示現虛空有無垢光明三昧入
是三昧於諸三昧除諸垢穢有一切法中無畏三昧
入是三昧於諸三昧示現無畏有樂樂三昧入是三
昧於諸三昧悉得樂樂有一切法正遊戲三昧入是
三昧於諸三昧示現無有一切諸色有放電光三昧
入是三昧於諸三昧示現放光有一切法安止無垢
三昧入是三昧於諸三昧示現無垢智慧有無盡三
昧入是三昧於諸三昧示現非盡非不盡有一切法
不可思議清淨三昧入是三昧於諸三昧示現如鏡
中像等不可思議有火光三昧入是三昧於諸三昧
令智慧熾然有離盡三昧入是三昧於諸三昧示現
不盡有不動三昧入是三昧於諸法中不動不受無
有輕戲有增益三昧入是三昧於諸三昧悉見增益
有日燈三昧入是三昧於諸三昧放光明門有月無
垢三昧入是三昧於諸三昧作月光明有白淨光明
入是三昧於諸三昧作與不作示現智相有金剛三
昧入是三昧悉得通達一切諸法乃至不見如微塵
等障礙有住心三昧入是三昧其心不動不受苦樂
不見光明無有瞋恚於此心中亦復不見此是心想

有徧照三昧入是三昧於諸三昧見一切明有善住
三昧入是三昧於諸三昧善能得住有寶山三昧入
是三昧見諸三昧猶如寶山有勝法印三昧入是三
昧能印諸三昧有順法性三昧入是三昧見一切法
悉皆隨順有離樂三昧入是三昧於一切得離樂著
有法炬三昧入是三昧除諸法暗有法雨三昧入是
三昧於諸三昧能雨法雨破壞著相有等言語三昧
入是三昧於諸法中悉得眼目有離語言三昧入是
三昧於諸法中乃至無有一言有斷緣三昧入是三
昧斷諸法緣有不作三昧入是三昧於諸法中不見
作者有淨性三昧入是三昧見一切法自性清淨有
無障礙三昧入是三昧於諸法中無有障礙有離網
三昧入是三昧見諸三昧足離於高下有集聚一切
功德三昧入是三昧離一切法集有正住三昧入是
三昧於諸法中不見有心及心數法有覺三昧入是
三昧卽能覺悟一切諸法有念分別三昧入是三昧
於諸法中得無量辯有淨智覺三昧入是三昧於一
切法得等非等有智相三昧入是三昧能出三界有
智斷三昧入是三昧見諸法斷有智雨三昧入是三
昧得一切法雨有無依三昧入是三昧於諸法中不

01234567892012345678920

20

見依止有一莊嚴三昧入是三昧於諸法中不見法
幢有行三昧入是三昧能見諸法悉寂靜行有一切
行離一切有三昧入是三昧於諸法中通達解了有
俗言三昧入是三昧能解俗言有離語言無字三昧
入是三昧於諸法中悉得解了無有語言有智炬三
昧入是三昧於諸法中能作照明有智勝相吼三昧
入是三昧於諸法中示現淨相有通智相三昧入是
三昧於諸法中悉見智相有成就一切行三昧入是
三昧於諸法中成就一切行有離苦樂三昧入是三
昧於諸法中無所依止有無盡行三昧入是三昧見
諸法無盡有陀羅尼三昧入是三昧於諸三昧能持
法相不見邪正有無憎愛三昧入是三昧於諸法中
不見憎愛有淨光三昧入是三昧於有爲法不見是
垢有堅牢三昧入是三昧不見諸法有不堅牢有滿
月淨光三昧入是三昧悉能具足成就功德有大莊
嚴三昧入是三昧於諸三昧悉見成就無量莊嚴有
一切世光明三昧入是三昧於諸三昧以智照明有
無淨三昧入是三昧於諸三昧不見淨不淨有無宅
三昧入是三昧不見諸三昧舍宅有如爾三昧入是

1 2 3 4 5 6 7 8 9 20

1

2 3 4 5 6 7 8 9 20

1

三昧於諸法中不見作與不作有無身三昧入是三昧於諸法中不見有身諸菩薩得如是等諸三昧門口業清淨如虛空於諸法中不見口業猶如虛空無有障礙大悲是名修學大乘菩薩摩訶薩諸三昧門

悲華經卷第八

音釋

裸

郎果切
赤體也

毀些

毀虎委切
謗也

合縵

縵莫班
切將凡切

譏也

切謂佛

手指問皮
相連也

欽縣
居士潘之

恒施

貲刻此
計字八千九百三十箇

該銀

新保家道興隆
吉祥如意者

銀山

釋海亮對長洲徐普書涇縣徐繼刻

萬曆癸丑歲冬十二月徑山化誠識

銀山化誠識

繼刻

悲華經卷第九

北涼天竺三藏法師曇無讖譯

檀波羅密品第五之二

善男子云何菩薩摩訶薩助菩提法清淨之門善男子布施卽是助菩提法化衆生故持戒卽是助菩提法具足善願故忍辱卽是助菩提法具足三十二相八十隨形好故精進卽是助菩提法於諸衆生勤教化故禪定卽是助菩提法令心具足得調伏故智慧卽是助菩提法具足能知諸煩惱故多聞卽是助菩提法於諸法中具無礙故一切功德卽是助菩提法

一切衆生得具足故智業即是助菩提法得具足無
礙智故修定即是助菩提法悉得成就柔軟心故慧
業即是助菩提法遠離一切諸疑惑故慈心即是助
菩提法於諸衆生心無礙故悲心即是助菩提法拔
出衆生諸苦故喜心即是助菩提法愛樂法故捨心
即是助菩提法斷憎愛故聽法即是助菩提法斷五
蓋故出世即是助菩提法捨諸所有故阿蘭若即是
助菩提法離諸忽務故專念即是助菩提法得陀羅
尼故正憶即是助菩提法分別意識故思惟即是助
菩提法於諸法中得成就義故念處即是助菩提法
身受心法覺分別故正勤即是助菩提法斷不善法
修善法故如意足即是助菩提法身心輕利故諸根
即是助菩提法得一切衆生根具足故諸力即是助
菩提法具足能壞諸煩惱故諸覺即是助菩提法於
諸法中具足覺知實法相故正道即是助菩提法遠
離一切諸邪見道故聖諦即是助菩提法斷滅一切
諸煩惱故四辯即是助菩提法得斷衆生諸惑故
助菩提法一切功德持成就故發心即是助菩提法
成就不誑諸衆生故用意即是助菩提法出一切法

0123456789210123456789210123456789210

故專心即是助菩提法增益善法故思惟善法即是
助菩提法隨所聞法得成就故攝取即是助菩提法
成就教化諸衆生故護持正法即是助菩提法令三
寶種不斷絕故善願即是助菩提法成就嚴淨佛世
界故方便即是助菩提法速得成就一切智故善男
子是名菩薩摩訶薩助菩提法清淨門經善男子爾
時寶藏如來四顧徧觀菩薩大衆告大悲言大悲云
何菩薩以無所畏莊嚴瓔珞具足於忍善男子若菩
薩見第一義得無癡精進不著三界若不著三界是
謂三昧無畏沙門之法如空中動手悉無所著又觀
諸法不見相貌大悲是名菩薩摩訶薩以無所畏莊
嚴瓔珞善男子云何菩薩具足於忍如是菩薩住於
法時不見諸法如微塵相貌逆順觀行於諸法中解
無果報於所習慈了無有我於所習悲了無衆生於
所習喜了無有命於所習捨了無有人雖行布施不
見施物雖行持戒不見淨心雖行忍辱不見衆生雖
行精進無離欲心雖行禪定無除惡心雖行智慧心
無所行雖行念處不見思惟雖行正勤不見心之生
滅雖行如意足不見無量心雖行於信不見無障礙
心雖行於念不見心得自在雖行於定不見入定心

01234567892012345678920

2020

雖行於慧不見慧根雖行諸力無所破壞雖行諸覺心無分別雖行正道不見諸法雖行定業不見心之寂靜雖行慧業不見心之所行雖行聖諦不見通達法相雖修念佛不見無量行心雖修念佛心等法界雖修念佛心無所住教化衆生心得清淨雖持正法於諸法界心不分別雖修淨土其心平等猶如虛空雖修相好心無諸相雖行忍辱心無所有雖住不退常自不見退與不退雖行道場解了三界無有異相雖壞諸魔乃是利益無量衆生雖行菩提觀諸法空無菩提心雖轉法輪於一切法無轉無還雖復示現大般涅槃於生死中心等無異是名菩薩具足於忍說是法時有六十四億菩薩摩訶薩從十方來至耆闍崛山釋迦牟尼佛所聽此本緣三昧助菩提法清淨門經聞是法已得無生忍爾時釋迦牟尼佛告諸大衆汝今當知寶藏如來於往古世說是法時有四十八恒河沙等菩薩摩訶薩得無生忍四天下微塵數等菩薩摩訶薩住不退轉地一恒河沙等菩薩摩訶薩得此本緣三昧助菩提法清淨門經善男子爾時大悲菩薩聞是法已心生歡喜即得變身其狀猶如年二十人追隨如來猶影隨形善男子爾時轉輪

012345678920

1

21012345678920

1

聖王及其千子八萬四千小王九十二億人悉共出家奉持禁戒修學多聞忍辱三昧勤行精進善男子爾時大悲菩薩摩訶薩漸漸從佛諮詢受聲聞所有八萬四千法聚緣覺所有九萬法聚受持諷誦悉令通利大乘法藏身念處中十萬法聚受念處中十萬法聚心念處中十萬法聚法念處中十萬法聚悉皆受持讀誦通利十八界中十萬法聚十二入中十萬法聚斷除貪欲十萬法聚斷除瞋恚十萬法聚斷除愚癡十萬法聚三昧解脫十萬法聚諸力無畏不共之法十萬法聚如是等十億法聚皆悉受持讀誦通利善男子其後彼佛入般涅槃爾時大悲菩薩摩訶薩以無量無邊種種諸華末香塗香寶幢旛蓋珍寶妓樂而以供養以種種香積以爲瓔闍維其身收取舍利起七寶塔高五由旬縱廣正等滿一由旬於七日中復以種種無量無邊華香妓樂寶幢旛蓋而供養之爾時復令無量無邊衆生安止住於三乘法中善男子大悲菩薩過七日已與八萬四千人俱共出家剃除鬚髮著染袈裟於寶藏佛般涅槃後隨順等心熾然正法滿十千歲復令無量無邊阿僧祇衆生安止住於三乘法中及三歸依五戒八齋沙彌十戒次

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

第具足大僧淨行復更勸化無量百千萬億衆生安
止住於神通方便四無量行令觀五陰猶如怨賊觀
於諸入如空聚落觀有爲法從因緣生勸化衆生令
得知見觀一切法如鏡中像如熱時炎如水中月於
諸法中皆知無我無生無滅第一寂靜微妙涅槃復
令無量無邊衆生安止住於八聖道中作如是等大
利益已卽便命終尋時復有無量無邊百千諸人以
種種供養供養大悲比丘舍利其所供養悉如轉輪
聖王之法如是大衆種種供養大悲舍利亦復如是
大悲比丘命終之日寶藏如來所有正法卽於其日
滅盡無餘彼時菩薩以本願故生於佛土或生兜術
人中龍中或夜叉中或阿脩羅生於種種畜生之中
善男子大悲比丘命終之後以本願故南方去此十
千佛土有佛世界名曰歡樂彼中人民壽八十歲集
聚一切諸不善根喜爲殺害安住諸惡於諸衆生無
慈悲心不孝父母乃至不畏未來之世大悲比丘以
本願故生彼世界旃陀羅家所受身體長大端正力
勢剛強威猛勇健專念問答辯才捷疾如是諸事悉
勝於人以強力勢逼捉諸人作如是言汝今若能受
不盜戒乃至遠離種種邪見行正見者當施汝命給

1 2 3 4 5 6 7 8 9 20

1 2 3 4 5 6 7 8 9 20

汝所須資產之物令無所乏若不受者我今要當斷汝命根然後乃去爾時諸人長跪又手作如是言仁者今已爲我調御如仁所勅我今受持盡其壽命不復偷盜乃至正見亦復如是爾時強力旃陀羅往至王所或_是所作如是言我今困乏資產之具所謂飲食醫藥衣服臥具香華金銀錢貨真珠珊瑚珂貝璧玉珊瑚琥珀真寶爲寶若我得此種種物已持施衆生爾時國王大臣卽與種種所須之物令其充足時旃陀羅因其施故安止此王及其大臣住十善中爾時人民增益壽命滿五百歲其王命終諸大臣等以旃陀羅紹繼王位因爲作字號功德力善男子爾時功德力王不久王一國土復以力故王二國土如是不久乃至得作轉輪聖王王閻浮提然後教化一切衆生安止令住不殺生戒乃至正見亦復如是隨諸衆生心所志樂勸化令住於三乘中爾時功德力王教化閻浮提內無量衆生於十善道及三乘中已於閻浮提內大聲唱言若有乞求欲須飲食乃至欲得種種珍寶悉來至此我當給施是時閻浮提內一切乞士聞是唱已悉來集會時功德力王種種隨意給施所須皆令滿足爾時有一尼乾子名曰灰音往

1 2 3 4 5 6 7 8 9 20

1 2 3 4 5 6 7 8 9 20

至王所而作是言王今所作種種大施以求無上正真之道我今所須王當與我令得滿足王於來世當熾然法燈時王問言卿何所須彼人答言我誦持呪術欲得與彼阿脩羅鬪怖其破壞自得勝利是故白王如是事耳所可須者未死之人皮之與眼爾時大王聞是語已如是思惟我今得是無量力勢轉輪聖王已得安止無量衆生住於十善及三乘中復作無量無邊大施此善知識欲令我以不堅牢身貿堅牢身爾時大王便作是言汝今可生歡喜之心哉今以此凡夫肉眼布施於汝以是緣故令我來世得清淨慧眼以歡喜心剥皮施汝復以是緣令我成阿耨多羅三藐三菩提已得金色身善男子爾時功德力王以其右手挑取二目施尼乾子血流汙面而作是言諸天龍神乾闥婆阿脩羅迦樓羅緊那羅摩睺羅伽人非人等若在虛空若因地者悉聽我言我今所施令得安止住於涅槃復作是言若我必定成阿耨多羅三藐三菩提者雖作是事所有命根不應斷壞不失正念不應生悔令尼乾子所作呪術便得成就復作是言汝今可來剥取我皮善男子時尼乾子卽持

利刀剝取王皮却後七日所作呪術悉得成就爾時
大王於七日中其命未終不失正念雖受是苦乃至
一念不生悔心善男子汝今當知爾時大悲菩薩者
豈異人乎莫作是觀則我身是於過去世寶藏佛所
初發阿耨多羅三藐三菩提心初發心已勸化無量
無邊衆生於阿耨多羅三藐三菩提善男子是我最
初勇健精進爾時我以本願力故命終生於歡樂世
界旃陀羅家是我第二勇健精進我生旃陀羅家教
化衆生於善法中以自力勢乃至得作轉輪聖王滅
闍浮提闍諍穢濁令得寂靜增長壽命是我初始捨
於身皮及以眼目善男子我以願故於彼命終復還
來生歡樂世界旃陀羅家乃至得作轉輪聖王以大
勢力安止衆生於善法中於彼世界復得除滅怨賊
鬪諍穢濁之事令諸衆生增益壽命我於爾時始捨
舌耳於彼三千大千世界一一天下作如是等大利益
已以願力故精進堅牢如是次第復於如一恒河
沙等五濁惡世作大利益安止衆生住於善法及三
乘中滅除怨賊鬪諍穢濁善男子其餘他方清淨世
界所有諸佛本行阿耨多羅三藐三菩提時不說他
過不爲他人說麤惡言不以力勢示現恐怖不勸衆

012345678920

12345678920

經

卷九

九

六九

生於聲聞乘辟支佛乘是故諸佛具滿成就阿耨多羅三藐三菩提已得此清淨妙好世界無諸罪名無有受戒耳終不聞麤惡之言無不善聲常聞法聲離於一切不適意聲於諸衆生而得自在無有聲聞辟支佛名善男子我於恒河沙等大劫如恒河沙等無佛國土五濁之世以麤惡言斷命因緣恐怖衆生然後勸令安住善法及三乘中是餘業故今得如是弊惡世界以不善音唱滿世界是故今得不善衆生充滿世界說三乘法如我本願取佛世界調伏衆生其事如是我已如說精勤修習行菩提道是故今得種子相似佛之世界如我本願今得如是善男子今我略說往昔所行檀波羅蜜我行檀波羅蜜時過去諸菩薩行菩薩道時亦無有能作如是行未來之世行菩薩道者亦無有能作如是行我爲菩薩行檀波羅蜜時離除過去八善丈夫第一菩薩名曰一地得在此南方一切過患國成阿耨多羅三藐三菩提號破煩惱光明如來應供正徧知明行足善逝世間解無上士調御丈夫天人師佛世尊人壽百歲於中說法七日之後入般涅槃第二菩薩名精進淨在此東方炎熾國土成阿耨多羅三藐三菩提號百功德如來

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

應供正徧知明行足善逝世間解無上士調御丈夫
天人師佛世尊人壽百歲於中說法作佛事已彼佛
過一恒河沙等大劫已入無上涅槃其佛舍利乃至
今日在無佛國作於佛事如我無異第三菩薩名堅
固華於諸三昧勤行精進以大力勢行於布施於當
來世過十恒河沙等大劫在此北方歡樂世界成阿
耨多羅三藐三菩提號斷愛王如來應供正徧知明
行足善逝世間解無上士調御丈夫天人師佛世尊
第四菩薩名曰慧熾攝取歡喜過一大劫在此西方
可畏世界人壽百歲於中成阿耨多羅三藐三菩提
號日藏光明無垢尊王如來應供正徧知明行足善
逝世間解無上士調御丈夫天人師佛世尊於今我
前有二菩薩一名日光二名喜臂未來之世過於無
量無邊大劫在此上方灰霧國土劫名大亂五濁惡
世多諸煩惱人壽五十歲日光菩薩以本願故於中
成阿耨多羅三藐三菩提號不思議日光明如來應
供正徧知明行足善逝世間解無上士調御丈夫天
人師佛世尊滿十歲中具足佛事而般涅槃卽涅槃
日正法亦滅其後十歲空過無佛人壽轉減至三十
歲喜臂菩薩以本願故於中得成阿耨多羅三藐三

菩提號勝日光明如來應供正徧知明行足善逝世
間解無上士調御丈夫天人師佛世尊彼佛世尊亦
十歲中具足佛事而般涅槃般涅槃已以本願故正
法住世滿七十歲時二菩薩在於我前始得受阿耨
多羅三藐三菩提記以聞記故心生歡喜頭面敬禮
以歡喜故上昇虛空高七多羅樹又手向佛異口同
音而說偈言

如來光炎 始於日月 能於惡世

演大智慧

調御目淨

無有垢穢

以妙論議

摧伏外道

我無量劫

修無相定

以求無上

勝妙菩提

供養諸佛

數如恒沙

而過去佛

不授我記

世尊離欲

心得解脫

於黑暗世

悉爲佛事

爲諸失道

衆生說法

悉令得出

生死漂流

我今所願

於此自在

清淨佛法

出家修道

解脫淨戒

如說而行

定心隨佛

如影隨形

不爲利養

但求正法

得聞法已

服甘露味

是故世尊

與我授記

於未來世

得無上道

善男子其餘二人故未發心已發心者一名日光二名喜臂先有四人一名地得二名精進淨三名堅固華四名慧熾攝取歡喜合有八人是六菩薩我初勸其令發阿耨多羅三藐三菩提心善男子汝今諦聽往昔因緣過去無量阿僧祇劫爾時此界名無垢須彌人壽百歲有佛出世號香蓮華般涅槃後像法之中我於爾時作大強力轉輪聖王號難沮壞王闍浮提千子具足我悉勸化令發阿耨多羅三藐三菩提心其後尋於香蓮華佛像法之中出家修道熾然增益佛之道法唯除六子不肯出家發菩提心我於爾時數數告言卿等今者欲何所求何以不發無上道心出家修道是時六子作如是言不應出家所以者何若於末世像法出家不能成就護持戒聚離聖七財以不護戒沒於生死汙泥之中墮三惡道不能得生天上人中以是因緣我等不能出家修道善男子我復重問卿等何以不發無上道心六子答言若能與我闍浮提者然後我當發阿耨多羅三藐三菩提心善男子我聞是已心生歡喜作是思惟我今已化闍浮提人安置三歸受八戒齋住於三乘我今當分

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

此閻浮提以爲六分與此六子令其得發無上道心
 然後我當出家修道思惟是已如其所念分閻浮提
 卽爲六分賜與諸子尋便出家爾時六王各相違戾
 不相承順互相抄掠攻伐鬪諍縛束枷鎖爾時一切
 閻浮提內苗稼不登人民饑餓水雨不時諸樹枯悴
 不生華實藥草不生人民禽獸及諸飛鳥悉皆饑餓
 其身熾然猶如火聚我於爾時復自思惟我今應當
 自捨已身肌體血肉以施衆生令其飽滿作是念已
 從其所住阿蘭若處至於人間中路有山名水愛護
 住是山上復作是願而說偈言

如我自捨

所有身命

爲大悲心

不求果報

但爲利益

諸天及人

願作肉山

給施衆生

我今所捨

妙色端嚴

不求帝釋

天魔梵王

但爲利益

未來人天

以此血肉

施諸衆生

諸天龍神

人及非人

住山林者

今聽我言

爲諸衆生

我起大悲

自以血肉

而給施之

善男子我於爾時作是願已諸天搔擾大地諸山須
 獄大海皆六種動人天大衆發聲悲號爾時我於水

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

愛護山自投其身以願力故卽成肉山高一由旬縱廣正等亦一由旬是時人民飛鳥禽獸始於是時噉肉飲血以本願故於中夜分增益廣大其身乃至高千由旬縱廣正等亦千由旬其邊自然而生人頭髮毛眼耳鼻口脣舌具足而有彼諸頭中各各有聲而唱是言諸衆生等各各自恣隨意取用飲血啖肉取頭目耳鼻脣舌齒等皆令滿足然後悉發阿耨多羅三藐三菩提心或發聲聞辟支佛心卿等當知如是之物悉不可盡食之易消不夭壽命有明智者食肉飲血取其頭目耳鼻舌者或發聲聞辟支佛乘或發阿耨多羅三藐三菩提心或求天世人中富樂以本願故身無損減乃至萬歲閻浮提內人及鬼神飛鳥禽獸皆悉充足於萬歲中所施目如一恒河沙所施血如四大海水所捨肉如千須彌山所捨舌如大鐵圍山所捨耳如純陀羅山所捨鼻如毗富羅山所捨齒如耆闍崛山所捨身皮猶如三千大千世界所有地等善男子汝今當知我於往昔萬歲之中所捨無量無邊阿僧祇衆生悉令飽足乃至一念不生悔心我於爾時復作是言若我必定成阿耨多羅三藐三

1 2 3 4 5 6 7 8 9 210 1 2 3 4 5 6 7 8 9 210

菩提所願成就得已利者我今於此一闍浮提萬歲
之中自以血肉給施一切無量衆生如是一恒河沙
等萬歲徧滿於此無垢須彌三千大千世界作血肉
山一一天下於萬歲中自以血肉頭目耳等給施衆
生所謂天龍鬼神人及非人一切畜生若在虛空及
因地者乃至餓鬼悉令滿足然後勸化安置住於三
乘法中若徧於此一佛世界滿足衆生已復至十方
如一恒河沙等五濁惡世復捨血肉頭目耳等給施
衆生悉令充足如是如一恒沙等大劫之中爲衆生
故自捨身命以施衆生若我所願不成不得已利者
卽便欺誑十方世界無量無邊諸佛世尊爲諸衆生
轉法輪者必定不成阿耨多羅三藐三菩提住於生
死畢竟不聞佛聲法聲比丘僧聲波羅蜜聲力無畏
聲乃至一切諸善根聲若我不能成就捨身布施充
足諸衆生者常墮阿鼻地獄善男子我於往昔如是
令飽滿如是次第徧滿十方如恒河沙等諸佛世界
捨身血肉給施衆生悉令滿足善男子汝今當知我
於爾時爲檀波羅蜜捨身布施如是次第施於眼目
其聚滿此闍浮提內高至忉利天善男子是名如來

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

略說捨身檀波羅蜜復次善男子如是復過無量無邊阿僧祇劫爾時此界轉名月雷亦五濁世我於是時作轉輪聖王王閻浮提號燈光明亦教無量無邊阿僧祇人安止住於諸善法中亦如上說作是事已遊在園林觀看土地見有一人身被縛束我卽問言此何所犯大臣白言諸有田作所得穀麥應爲六分一分入官是人不順王法不肯輸送是故被縛我於爾時卽勅令放從今已後不須強取大臣答言是人民中乃至無有一人生歡喜心以義送之今諸王子後宮眷屬貴人侏女諸所資用飲食之具一切皆從他邊強取無有一人清淨心與我聞是已心大憂愁卽自思惟此閻浮提當持與誰爾時我有五百諸子先已令發無上道心當分此地爲五百分等與諸子我當出家至阿蘭若處修諸仙法學淨梵行思惟是已尋分此地爲五百分等與諸子卽便出家至南海邊鬱頭摩樹大林之中食諸果子漸漸修學得五神通善男子時間浮提有五百商人入於大海欲採珍寶有一商主名曰滿月此人先世福德緣故得如所願至於寶渚多取種種諸珍寶已卽欲發引還閻浮提爾時海神高聲啼哭多有諸龍心懷瞋恚欲害商

1 2 3 4 5 6 7 8 9 20

1 2 3 4 5 6 7 8 9 20

人有一龍王名曰馬堅是大菩薩以本願故生於龍
 中起慈悲心救護諸商令得安隱過於大海至彼岸
 邊龍王然後還本住處爾時復有大惡羅刹隨逐商
 人如影隨形欲爲虐害是惡羅刹卽於其日放大惡
 風時諸商人迷悶失道生大怖畏失聲號哭稱喚諸
 天摩醯首羅水神地神火神風神復稱父母妻子眷
 屬願救濟我善男子我於爾時以淨天耳聞其音聲
 尋往其所以柔軟音而慰撫之莫生怖畏當示汝道
 令汝安隱還閻浮提善男子我於爾時白氈纏臂以
 油灌之然以爲炬發真實言我先以於鬱頭摩林三
 十年中專精修行四無量心爲諸衆生食噉果子勸
 化八萬四千諸龍夜叉神等不退轉於阿耨多羅三
 貌三菩提以是善根因緣今然此臂爲示道故令是
 諸商安隱得還閻浮提中然臂乃至七日七夜此諸
 商人尋便安隱還閻浮提善男子我於爾時復作善
 願若閻浮提無諸珍寶若我必成阿耨多羅三藐三
 菩提得已利者當作商主於一一天下七反雨寶復
 入大海取如意珠於一一天下復兩種種雜廁寶物
 如是次第徧此世界乃至十方無量無邊阿僧祇諸
 世界中亦復如是善男子我於往昔諸所發願皆悉

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

成就如恒河沙等大劫中常作無上薩薄之主於恒
 河沙等五濁惡世雨種種珍寶一日之中七反雨之
 如是利益無量衆生悉令珍寶得滿足已然後勸化
 安止令住於三乘中善男子汝今當知即是如來捨
 諸珍寶爲得諸相善根因緣復次善男子如是復過
 無量無邊阿僧祇劫此佛世界轉名爲網劫名知具
 足其世五濁人民壽命滿五萬歲以本願故生閻浮
 提婆羅門家字曰須香讚誦外典闡陀章句爾時衆
 生多著常見互共鬭諍起怨賊想我於爾時以強力
 勢爲諸衆生說五受陰猶如怨家說十二入如空聚
 落說十二緣其性生滅開示分別阿那波那令其修
 學復作是言仁等今者可發無上菩提之心所作善
 根應生迴向我於是時自然而得五通神仙爾時復
 有無量無邊阿僧祇人受我教故悉得五通復有無
 量無邊衆生遠離鬭諍滅除怨憎出家人山食果蔬
 子晝夜修習四無量心是劫欲盡是諸人等各各分
 散遊閻浮提教化衆生令離鬭諍除滅怨憎悉使寂
 靜或有水旱暴風惡雨皆令除滅其地柔軟五穀成
 熟食飲滋味以劫欲盡衆生復爲種種病苦之所纏
 憶善男子我於爾時尋復思惟若我不能除衆生病

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

我則不成阿耨多羅三藐三菩提爲諸衆生斷除煩惱我今當以何等方便除衆生病唯有聚集一切大衆釋天梵天四天王等及諸天仙龍仙人仙問諸醫方合集諸草種種呪術以療衆病思惟是已卽以神力至釋天梵天四天王天及諸神天龍人仙所作如是言有毗陀山願諸仁等皆共來集爾時大衆聞是言已皆悉集聚旣集聚已皆共誦持毗陀呪術以是力故能却一切諸惡鬼神擁護衆生復修醫方能治瘧癰風寒冷熱以是因緣令無量無邊阿僧祇人離諸苦惱善男子我於爾時復更作願若我已爲此一天下無量衆生作智慧光安止住於三乘法中閉三惡門通天人路除諸病苦令得歡樂復當次第爲無量無邊阿僧祇人作智慧光乃至歡樂以是善根因緣果報故令我所願皆得成就逮得已利如我已爲此一天下無量無邊阿僧祇人閉三惡道通天人路爲諸病者請諸天龍神仙之人集毗陀山修毗陀呪令無量無邊阿僧祇人悉得離病受於快樂如是徧滿此網世界利益一切在在處處無量衆生安住三乘閉三惡道通天人路復爲如是世界病者請諸天龍神仙之人集毗陀山修毗陀呪令此世界無量無

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

邊阿僧祇人悉得離病受於快樂如此世界乃至十
方如恒河沙等五濁惡世亦復如是善男子我於爾
時在網世界乃至十方恒河沙五濁惡世諸所作願
皆得成就善男子汝今當知即是如來爲菩薩時增
益智慧修菩薩道是名如來愛護三業善根種子

悲華經卷第九

音釋

積

子眉女
聚也

抄掠

楚教切
掠劫奪也

搔擾

楚教切
擾而沿切

撫慰

於胃切
撫芳武切安也

療治

力嚼切
遭切

搔擾

搔蘇
遭切

徽州府歙縣佛子曹樞施貴刻

悲華經卷第九計字七千九百五十該銀三兩

九錢八分
諸佛願究竟苦提謹疏

母余氏福壽無量正信不退如

萬曆甲寅歲化

悲華經卷第十

北涼天竺三藏法師曇無識譯

檀波羅蜜品第五之三

佛告寂意菩薩善男子其後復過無量無邊阿僧祇
劫此界轉名選擇諸惡爾時大劫名善等益世亦五
濁東方去此五十四天下彼間浮提名盧婆羅以願
力故生於彼中作轉輪聖王主四天下號虛空淨教
諸衆生安住十善及三乘中我於爾時布施一切無
所分別是時多有無量乞兒來從我乞種種珍寶金
銀瑠璃玻瓈錢貨青瑠璃珠大青瑠璃火珠摩尼所

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

有珍寶少不足言乞者無量我於是時卽問大臣如是珍寶從何處生大臣答言是諸龍王之所示現雖有此寶唯供聖王不能廣及如是乞者我於爾時作大誓願若我未來於五濁中厚重煩惱人壽百歲必定戊阿耨多羅三藐三菩提所願成就得已利者作大龍王示現種種珍寶之藏於此選擇諸惡世界在在處處四天下中於一一天下七反受身一一身中示現無量百千萬億那由他等珍寶之藏一一寶藏縱廣正等一千由旬各各充滿種種珍寶如上所說給施衆生如我在此一世界中精勤用意如是次第徧十方如恒河沙等五濁惡世無佛國土於一一佛土一一天下七反受身乃至如上所說善男子我作如是善願爾時天人有百千億在虛空中雨種種華而讚我言善哉善哉一切布施汝今已得如心所願善男子爾時大眾聞虛空淨王諸天作字號一切施聞是事已各各相謂我等今者應往乞求難捨之物若能捨者可得名爲一切布施如其不能何得稱爲一切施也是時諸人各各從王乞索後宮夫人侏女及兒息等時轉輪王聞是事已心大歡喜隨其所悉皆與之是時諸人復更相謂言如是妻子皆是易

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

捨非難事也今當從王乞身支節若能捨者真可得
 名能捨一切爾時諸人往大王所於是衆中有一乞
 兒字青光明受持狗戒向轉輪王作如是言大王若
 是一切施者唯願施我此間浮提我時聞已心大歡
 喜尋以香水洗浴其人令著柔軟上妙衣服以水灌
 頂紹聖王位持闇浮提卽以施之復作是願如我以
 此間浮提施是因緣故成阿耨多羅三藐三菩提所
 諸願成就得已利者是間浮提所有人民皆當承順奉
 敬此人以爲王者復令此人壽命無量作轉輪王我
 成阿耨多羅三藐三菩提已當與授記一生當得補
 佛之處有婆羅門名曰盧志復來從我乞索兩足我
 聞是已心生歡喜卽持利刀自斷二足持以施之施
 已發願願我來世具足當得無上戒足有婆羅門名
 曰互復來從我乞索二目我聞是已心生歡喜卽挑
 二目持以與之施已發願願我來世當得具足無上
 五眼未久之間有婆羅門名淨堅牢復來從我乞索
 二耳我聞是已心生歡喜尋自割耳持以施之施已
 發願願我來世當得具足無上智耳未久之間有尼
 乾子名想復來從我乞索男根我聞是已心生歡喜
 尋自割取持以施之施已發願願我來世成阿耨多

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

羅三藐三菩提得馬王藏相未久之間復有人來從我乞索身之血肉我聞是已心生歡喜即便施之施已發願願我來世具足無上金色之相未久之間有婆羅門名曰蜜味復來從我求索二手我聞是已心生歡喜右手持刀尋斷左手作如是言今此右手不能自割卿自取之作是施已復發願言願我來世具足當得無上信手善男子我截如是諸支節已其身血流復作願言因此施故必定成阿耨多羅三藐三菩提所願成就得已利者其餘身分更得受者爾時非聖不知恩義諸小王等及諸大臣皆作是言咄哉愚人如何自割身體支節令諸自在一旦喪滅其餘肉搏復何所直是時大臣卽持我身送著城外曠野塚間各還所止時有無量蚊蚯蚓等唼食我血狐狼野干鵠鷺之屬悉來噉肉我於爾時命未斷間心生歡喜復作願言如我捨於一切自在及諸支節乃至一念不生瞋恚及悔恨心若我所願成就得已利者當令此身作大肉山有諸飲血噉肉衆生悉來至此隨意飲噉作是願已尋有衆生悉來食噉本願力故其身轉大高千由旬縱廣正等五百由旬滿千歲中以此血肉給施衆生我於爾時所捨舌根令諸虎狼

鵠梟鶻鷺食之飽足以願力故復生如本假當聚集
如耆闍崛山作是施已復作是願願我來世具足得
成廣長舌相善男子我時命終在閻浮提以本願故
生於龍中作大龍王名示現寶藏卽於生夜示現百
千億那由他種種寶藏自宣令言是地分中多有寶
藏其中具足諸珍異物金銀乃至摩尼寶珠是諸衆
生聞是唱已各各自恣取諸寶物隨意所用用已具
足行十善道發阿耨多羅三藐三菩提心或發聲聞
辟支佛心我於爾時在龍王中七反受身壽命七萬
七千億那由他百千歲示現無量無邊阿僧祇寶藏
與諸衆生爾時安止無量無邊阿僧祇人於三乘中
勸令具足行十善道以種種無量珍寶滿衆生已復
發願言願我來世具足當得三十二相如是第二天
下亦復七生作大龍王乃至徧滿選擇世界在在處
處諸四天下悉作如是無量利益乃至十方無量無
邊無佛世界一一世界一一天下亦復七生作大龍
王壽命七萬七千億那由他百千歲示現如是無量
無邊阿僧祇寶藏亦復如是善男子汝今當知是謂
如來爲菩薩時深重精進求三十二相之因緣也善
男子如來爲菩薩時所行精進除上八人過去世中

1 2 3 4 5 6 7 8 9 20 1 2 3 4 5 6 7 8 9 20

更無能及若過去無者當知未來諸菩薩等亦復不能如是勤行深重精進如我所行善男子復過無量無邊阿僧祇劫此界轉名珊瑚池劫名華手是時無佛其世五濁我於是中作釋提桓因名善日光明觀閻浮提見諸衆生轉行惡法我時卽化爲夜叉像其形可畏下閻浮提住諸人前諸人見我皆生怖畏而問我言欲何所須願速說之我時答言唯須飲食更無所須其人復問欲食何等我復答言唯欲殺人噉其血肉汝等若能盡其形壽持不殺戒乃至正見發阿耨多羅三藐三菩提心若發聲聞緣覺心者我則不復食噉汝等善男子我於爾時常作化人以供食飲爾時衆生見我如是倍生怖畏悉皆盡形受不殺戒乃至正見或發阿耨多羅三藐三菩提心或發聲聞辟支佛心我勸如是閻浮提內一切衆生修行十善住三乘已復作誓願若我必成阿耨多羅三藐三菩提所願成就得已利者復當勸此四天下人令行十善道乃至偏滿此之世界在在處處四天下中以如是相貌令諸衆生行十善道勸化發於三乘之心如是偏滿一世界已乃至十方無量無邊阿僧祇等五濁惡世無佛國土亦復如是善男子我於爾時發

是願已一切成就於珊瑚池世界化作可畏夜叉之像調伏衆生令住十善及三乘中如是徧於十方無量無邊阿僧祇等五濁惡世無佛國土作夜叉像調伏衆生令行十善住三乘中我於往昔恐怖衆生令行十善住三乘中以是業因緣故令得坐於菩提樹下欲成阿耨多羅三藐三菩提時天魔波旬與諸大衆來至我所欲得壞亂我菩提道善男子略說我爲菩薩之時檀波羅蜜善男子諸大菩薩甚深法忍微妙總持解脫三昧我於爾時悉未得之唯除二身有漏五通我於爾時作此大事令無量無邊阿僧祇人安止住於阿耨多羅三藐三菩提無量無邊阿僧祇人安止住於辟支佛乘無量無邊阿僧祇人安止住於聲聞乘中況復兼得供養諸佛如一佛世界微塵數等一一佛邊所得功德數如大海諸水滴等供養無量聲聞緣覺師長父母五通神仙亦復如是如我昔者爲菩薩時自以血肉供給衆生如是大悲今諸羅漢悉無是心

入定三昧門品第六

爾時佛告寂意菩薩摩訶薩言善男子如我今者以佛眼見十方世界如一佛土微塵等諸佛世尊般涅槃

1 2 3 4 5 6 7 8 9 201 1 2 3 4 5 6 7 8 9 202

梧者悉是我昔之所勸化初發阿耨多羅三藐三菩提心行檀波羅蜜乃至般若波羅蜜者未來之世亦復如是善男子我今見此東方世界無量無邊阿僧祇等諸佛世尊今現在世轉正法輪亦是我昔初勸令發阿耨多羅三藐三菩提心行六波羅蜜者南西北方四維上下亦復如是善男子東方去此八十九億諸佛世界彼有世界名曰善華是中有佛號無垢功德光明王如來應正偏知明行足善逝世間解無上士調御丈夫天人師佛世尊今現在爲衆生說法彼佛亦是我昔所勸初發阿耨多羅三藐三菩提心令行檀波羅蜜乃至般若波羅蜜東方復有妙樂世界是中有佛號阿閦如來復有闍浮世界是中有佛號日藏如來復有世界名樂自在是中有佛號樂自在音光明如來復有世界名曰安樂是中有佛號智日如來復有世界名勝功德是中有佛號龍自在如來復有世界名善相是中有佛號金剛稱如來復有世界名江海王是中有佛號光明如來復有世界名不愛樂是中有佛號日藏如來復有世界名離垢光明是中有佛號自在稱如來復有世界名山光明是中有佛號不可思議王如來復有世界名聚集是中

1 2 3 4 5 6 7 8 9 20 1 2 3 4 5 6 7 8 9 20

有佛號大功德藏如來復有世界名華光明是中有
佛號光明音相如來復有世界名安和熾盛是中有
佛號知像如來復有世界名曰華蓋是有佛號
眼淨無垢如來善男子如是東方無量無邊阿僧祇
等現在諸佛爲諸衆生轉正法輪者未發無上菩提
心時我初勸共令發阿耨多羅三藐三菩提心又復
引導將至十方在在處處佛世尊所隨所至處修行
安止檀波羅蜜乃至般若波羅蜜便得受阿耨多羅
三藐三菩提記爾時東方善華世界無垢功德光明

王佛師子之座及其大地六種震動有大光明雨於
種種妙寶蓮華彼諸菩薩見是事已心生驚怪未
曾有卽白佛言世尊何因緣故如來之座如是震動
我等昔來未曾見是其佛卽告諸菩薩言善男子西
方去此八十九億諸佛世界彼有國土名曰娑婆是
中有佛號釋迦牟尼如來今現在爲四部衆說本緣
法彼佛世尊爲菩薩時初勸化我發阿耨多羅三藐
三菩提心復引導我至諸佛所初令我行檀波羅蜜
乃至般若波羅蜜我於爾時隨所至處卽得初受阿
耨多羅三藐三菩提記彼佛世尊釋迦牟尼卽是我

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

之真善知識今在西方處在大衆爲諸四部說本緣
 經是彼如來神足力故令我所坐師子座動善男子
 汝等今者誰能至彼娑婆世界問訊彼佛起居輕利
 時諸菩薩各白佛言世尊此善華世界諸菩薩等皆
 得神通於諸菩薩功德自在今日清旦見是大光其
 光悉從諸佛世界來至於此大地卽時六種震動雨
 種種華見是事已有無量百千萬億諸菩薩等欲以
 神力往娑婆世界見釋迦牟尼佛供養恭敬尊重讚
 歎并欲諮詢受解了一切陀羅尼門然各不知娑婆世
 間釋迦牟尼所在方面彼佛尋伸金色右臂於五指
 頭放於種種微妙光明其光卽照八十九億諸佛國
 土至娑婆世界時諸菩薩因光得見娑婆世界有諸
 菩薩摩訶薩等充滿寥塞復有諸天龍神乾闥婆阿
 脩羅迦樓羅緊那羅摩睺羅伽等滿虛空中見是事
 已白佛言世尊我今已得見彼世界知其方面并見
 菩薩諸天人大衆彌滿其土間無空處釋迦如來復
 觀我等說微妙法彼佛告諸菩薩大士善男子釋迦
 如來恒以清淨無上佛眼徧觀一切無不見者善男
 子娑婆世界所有衆生在地處空一切皆言釋迦如
 來獨觀我心爲我說法善男子彼釋迦如來以一音

聲爲諸種種異類說法衆生各各隨類得解不以異音爲多人說彼土衆生或事梵天見如來身爲梵天像而得聞法若事魔天釋天日月毗沙門天毗樓勒又毗樓博又提頭賴吒摩醯首羅如是種類八萬四千隨其所事各見其像而得聞法生獨爲想是時會中有二菩薩一名羅睺電二名火光明爾時無垢功德光明王佛告二菩薩善男子汝今可往娑婆世界汝持我聲問訊釋迦牟尼世尊起居輕利氣力安不時二菩薩卽白佛言世尊我見彼佛一切世界大眾雲集在地處空充滿寥塞其間無有空缺之處若我等往當住何處時佛告言諸善男子莫作是語言彼世界無止住處所以者何彼所住處寬博無邊彼佛所有無量功德不可思議以本願故悲心廣大乃令無量諸衆生類入於佛法受三歸依然後爲說三乘之法復說三戒示三脫門復拔無量無邊衆生於三惡道安止令住三善道中善男子又一時中釋迦如來成無上道未久之間爲欲調伏諸衆生故在毗陀脫樂佛身爾時徧滿是窟間無空處乃至四寸過七日已十方世界有十二那由他菩薩摩訶薩至娑婆

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

世界住其山邊欲見釋迦牟尼如來供養恭敬尊重
 讚歎啓受妙法善男子爾時如來於所住處以大神
 足令其窟舍寬博無量悉得容受十二那由他菩薩
 摩訶薩諸菩薩等既得入已見其窟舍廣博嚴事有
 諸菩薩以師子遊戲自在神足供養於佛一一菩薩
 於化寶座而坐聽法善男子彼佛神力其事如是是
 諸菩薩得聞法已尋從座起頭面禮佛右繞三匝各
 各還歸本佛世界其去未久窟還如故後四天下第
 二天主釋提桓因名憍尸迦其命將終必定當墮畜
 生道中以是事故心生恐懼與八萬四千諸忉利天
 俱共來下詣因婆羅窟欲見如來時有夜叉名曰玉
 眼卽其窟神在外而住爾時帝釋以佛力故作是思
 惟今我當使乾闥婆子般遮旬先至佛所以妙音聲
 讚詠如來當令世尊從三昧起善男子釋提桓因思
 惟是已卽令乾闥婆子般遮旬彈瑠璃琴以微妙音
 讚佛時爾時如來卽復轉入相三昧中以三昧力故
 於此世界作大神力令諸夜叉羅刹乾闥婆阿脩羅
 迦樓羅緊那羅摩睺羅伽欲色界天悉來聚集其中
 若有喜聞妙音隨意得聞心大歡喜或有喜聞讚歎

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

佛者聞讚歎已心生歡喜於如來所轉生尊重恭敬之心或有衆生喜聞樂音卽得聞之聞已歡喜爾時釋迦牟尼如來尋從定起示諸大衆婆羅窟門釋提桓因尋至佛所頭面禮足却住一面白佛言世尊我於今者當坐何處時佛報曰僑尸迦汝之眷屬但入聚集我今當拓此婆羅窟令極寬博悉使容受此十二恒河沙等大衆眷屬皆令得坐爾時釋迦牟尼如來於大衆中以一妙音敷演正法令八萬四千諸根衆生隨所樂聞衆中或有學聲聞者聞聲聞法卽有九十九億衆生得須陀洹果若有修學緣覺乘者卽便得聞緣覺之法若有修學大乘法者純聞大乘乾闥婆子般遮句等上首之衆十八那由他得不退轉於阿耨多羅三藐三菩提未發心者或發無上菩提之心或發緣覺或發聲聞爾時釋提桓因恐怖卽除增壽千歲得須陀洹果善男子釋迦如來以神力故能作如是廣博無邊說法音聲亦復如是亦無一人能尋彼佛音聲齊限彼佛方便無量無邊所化衆生無有能知如是方便善男子彼佛色身亦無量無邊無有人能得其身量見其頂者善男子如是大衆若欲得入彼佛腹中悉亦容受旣入腹已復有欲得其

腹邊者無有是處然如來腹亦不增減若衆生類皆
共和合欲往來者於一毛中悉無罣礙乃至天眼亦
無能得一毛孔邊然其^耳亦不增不減彼佛世尊
其身如是無量無邊善男子彼佛世界亦無量無邊
善男子假使十方如一恒河沙等世界所有衆生入
彼世界亦得容受何以故佛初發菩提心時所作
誓願無量無邊善男子置是一恒河沙等世界衆生
乃至十方千恒沙等世界衆生入彼世界亦得容受
如其本相不增不減善男子釋迦如來初發無上菩
提心時欲得具足一切智故發大誓願是故今者所
得世界無量無邊善男子釋迦牟尼以是四法諸佛
世尊所不能及善男子汝今持此月光明無垢淨華
往於西方如目所見娑婆世界并持我聲問訊彼佛
起居輕利氣力安不爾時無垢功德光明王佛取月
光無垢淨華與二菩薩而告之曰汝今乘我大神通
力往彼世界爾時會中有二萬菩薩白佛言世尊如
是如是我等今當乘佛神力往彼世界見釋迦如來
供養恭敬尊重讚歎彼佛告曰善男子汝等宜知是
時時二菩薩與二萬大士乘佛神力發善華界一念
之頃忽然來到娑婆世界者閻崛山在如來前長跪

又手前白佛言世尊東方去此八十九億佛之世界
彼有世界名曰善華是中有佛號無垢功德光明王
佛今現在與諸菩薩摩訶薩等大衆圍繞讚歎世尊
無量功德作如是言娑婆世界有釋迦牟尼如來今
現在爲諸大衆轉正法輪彼佛世尊爲菩薩時初勸
化我發菩提心以是因緣我於爾時尋得發於無上
道心我發心已復勸修習六波羅密乃至如來以是
四法諸佛世尊所不能及是故彼佛以此月光明無
垢淨華供養世尊所不能及是故彼佛以此月光明無
垢淨華供養世尊所不能及是故彼佛以此月光明無
垢淨華供養世尊所不能及是故彼佛以此月光明無
垢淨華供養世尊所不能及是故彼佛以此月光明無
垢淨華供養世尊所不能及是故彼佛以此月光明無
垢淨華見佛供養恭敬尊重讚歎善男子如是東方無
量諸佛皆遣諸菩薩稱讚於我善男子我今見此南方
去此世界過一恒河沙等諸佛國土彼有世界名
離諸憂是中有佛號無憂功德如來今現在說法復
有世界名閻浮光明是中有佛號法自在師子遊戲
如來復有世界名安須彌是中有佛號道自在娑羅

王如來復有世界名功德樓王是中有佛號師子吼
王如來復有世界名珍寶莊嚴是中有佛號八臂勝
雷如來復有世界名真珠光明徧照是中有佛號珍
寶藏功德吼如來復有世界名天月是中有佛號火
藏如來復有世界名栴檀根是中有佛號星宿稱如
來復有世界名曰稱香是中有佛號功德力娑羅王
如來復有世界名曰善釋是中有佛號妙音自在如
來復有世界名頭蘭若是中有佛號娑羅勝毗婆王
如來復有世界名月自在是中有佛號光明自在如
來復有世界名善雷音是中有佛號妙音自在如來
復有世界名寶和合是中有佛號寶掌龍王如來復
有世界名垂寶樹是有佛號雷音自在法月光明
如來如是南方無量無邊阿僧祇等現在諸佛悉是
我昔爲菩薩時初可勸發菩提心者是諸世尊師子
座處亦皆震動彼諸佛等亦各讚歎我之功德亦遣
無量無邊阿僧祇等諸大菩薩持月光明無垢淨華
悉來至此娑婆世界耆闍崛山見佛禮拜供養恭敬
尊重讚歎却坐一面次第聽法善男子我今復見西方去此七萬七千百千由旬佛之世界彼有世界名寂靜是中有佛號曰寶山今現在爲諸四衆說微妙

法復有勝光無憂佛音智藏佛稱廣佛徧藏佛梵華
佛勢進佛法燈勇佛勝音山佛稱音王佛梵音王佛
如是西方無量無邊阿僧祇等諸佛世尊亦是我昔
爲菩薩時初可勸發菩提心者是諸世尊師子之座
亦皆震動後諸佛等亦各讚歎我之功德亦遣無量
無邊阿僧祇等諸大菩薩持月光明無垢寶華悉來
至此娑婆世界者閻崛山見佛禮拜供養恭敬尊重
讚歎却坐一面次第聽法西北方去此百千那由他
佛世界彼有世界名無垢其中有佛號離熱惱增毗
沙門娑羅王如來有二菩薩一名寶山二名光明觀
復有壞諸魔佛娑羅王佛大力光明佛蓮華增佛栴
檀佛彌樓王佛堅沉水佛大智大力佛如是無量諸
佛如來乃至北方四維上下皆亦如是爾時釋迦牟
尼如來以大神力爲欲容受如是衆故卽一一變來
會者身極令微細如草塵子娑婆世界虛空及地彌
滿眾塞間無空處乃至一毛時諸衆生各不相見亦
復不見大小諸山須彌山王大小鐵圍二園之中間
幽冥之處及上諸天所有宮殿下至不見金剛地際
唯除一人佛世尊也爾時釋迦牟尼如來復入徧虛
空斷除諸法定意三昧令此無量月光淨華悉入一

切身諸毛孔一切大衆皆悉自見爾時衆生都不憶
念佛色身相唯見毛孔有妙園觀其園觀中有諸寶
樹其樹復有種種莖葉華果茂盛種種寶衣天旛幢
蓋天冠寶飾真珠瓔珞所有莊嚴譬如西方安樂世
界是諸大衆見是事已復作思惟今我當往遊觀彼
園爾時唯除三惡衆生及無色天其餘所有一切大
衆皆從毛孔入如來身處園而坐爾時如來還捨神
足時諸大衆各各還得如本相見各相謂言如來今
者爲在何處爾時彌勒菩薩告諸大衆汝等當知我
今與汝等悉在如來身分之中爾時大衆卽見如來
身之內外尋自覺知與無量大衆集聚共處如來身
中復相謂言我等爲從何處得入誰將導我令入是
中彌勒菩薩復告之曰諦聽諦聽如來今者現大神
通變化之力復爲利益我等大衆將欲說法仁等今
當一心專念爾時大衆聞是語已長跪合掌受教而
聽爾時世尊以一切行門而演說法何等名爲一切
行門出生死淤泥入八聖道具足成就得一切皆善
男子有十專心發於菩提能入是門何等十一者欲
令衆生悉得解脫迴向隨喜故二者發大悲心攝衆
生故三者欲度未度精勤修治無上法船故四者欲

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

解未解者莊嚴觀脫於虛妄顛倒故五者欲師子吼無所畏怖莊嚴觀於諸法性無我故六者欲隨所到一切世界心無分別善學諸法同十喻故七者欲得光明莊嚴世界修治戒聚令清淨故八者成就莊嚴如來十力具足一切波羅蜜故九者成就莊嚴四無所畏如說而作故十者莊嚴十八不共之法隨所聞法悉得無餘不放逸故是名十法專心發於無上菩提則能入是一切行門卽得不退無上菩提無相行門智道行門一切法無我心無思惟不生不滅是名菩薩不退轉地以是故非退非不退非斷非常非定非亂說是法時如來腹內八十億恒河沙等菩薩摩訶薩得不退轉於阿耨多羅三藐三菩提不可數菩薩摩訶薩得諸三昧甚深法忍悉從如來身毛孔出心大驚怪歎未曾有卽於佛前頭面著地爲佛作禮起已忽然各還十方本佛世界復聞釋迦牟尼如來所演音聲過十方無量無邊阿僧祇等諸佛世界無諸障礙是諸菩薩雖還彼界續聞如來所演音教章句義味無所減少如在佛前近聽無異身亦如是徧諸十方無量世界亦有無量無邊阿僧祇菩薩聲聞亦見毛孔出入無礙如是第二乃至一切一一毛孔

出入無礙十方世界亦如是爾時大衆從釋迦牟尼
如來毛孔中出頭面禮佛右繞三匝住於佛前以種
種音義而讚歎佛爾時欲界色界諸天雨種種華塗
香末香幢旛瓔珞微妙妙妓樂供養如來爾時會中有
一菩薩名無畏等地長跪叉手前白佛言世尊如是
大經當名何等云何奉持佛告無畏等地菩薩是經
當名解了一切陀羅尼門亦名無量佛亦名大衆亦
名授菩薩記亦名四無所畏出現於世亦名一切諸
三昧門亦名示現諸佛世界亦名猶如大海亦名無
量亦名大悲蓮華無畏等地菩薩摩訶薩復白佛言
世尊若有善男子善女人受持是經讀誦通利爲他
人說乃至一偈得幾所福佛告無畏等地菩薩我已
先說所得福德今當爲汝更略說之善男子善女人
若有受持是經讀誦通利爲他人說乃至一偈於後
五十歲中乃至有能書寫一偈所得功德勝諸菩薩
十大劫中行六波羅蜜何以故諸天魔梵沙門婆羅
門夜叉羅刹龍乾闥婆阿脩羅迦樓羅緊那羅摩睺
羅伽拘槃茶餓鬼毗舍遮人及非人有瞋恚心者聞
是經已節得清淨柔軟歡喜亦離諸病忿怒怨賊種
種鬪諍消滅一切暴風惡雨病者得愈飢渴者得飽

滿受諸快樂和合相順瞋恚之者能令恐辱怖畏者無所怖畏受諸歡樂有煩惱者令離煩惱能令善根一切增長能拔惡道所有衆生能示三乘出要之路能得甚深法忍三昧陀羅尼門能與衆生作大利益能坐道場金剛之座能破四魔能示一切助菩提法能轉法輪無聖財者能令具足能令無量無邊衆生入無畏城以是因緣能持此經讀誦通利爲他人說乃至一偈若後末世五十歲中乃至有能書寫一偈得如是等無量無邊福德之聚是故我今說如是經如是大經當付囑誰誰能於後五十歲中護持是法誰能與諸在在處處不退菩薩宣說令聞誰復能爲行非法欲惡貪邪見不信善惡有果報者演布是教爾時大衆皆知佛心於時有一大仙夜叉名無怨沸宿坐於衆中爾時彌勒菩薩摩訶薩卽從座起將是夜叉至於佛所是時如來告是夜叉大仙汝今當受是經乃至末後五十歲中爲不退菩薩乃至不信善惡報者演布是教爾時夜叉卽白佛言我於過去八大劫中以本願故作仙夜叉修行阿耨多羅三藐三菩提爾時教化無量無邊阿僧祇人安止於四無量心復令無量無邊衆生不退轉於阿耨多羅三

藐三菩提世尊我今當爲未來之世一切衆生作擁護故於後求世五十歲中受持是經乃至從他聞四句偈要當讀誦悉令通利流布與人令不斷絕佛說是經已寂意菩薩諸天大衆乾闥婆等人及非人皆

大歡喜頭面作禮退坐而去

悲華經卷第十 終

音釋

咄當沒切

子合切

鵝皇

卷之三

方略切
皇叔

古事記傳

三

三

徽州府勸
悲率經卷
五分祈求
萬曆甲寅

信女龔門
第十計字入
身躬康健書

鮑氏
千五
時命延
山化

覺從百該長謀城

疏銀施

貞刻
四兩二一錢

卷之三

卷之三

上
四